

續資治通鑑長編拾補

續資治通鑑長編拾補卷二十九

徽宗

大觀四年正月

案錢大昕朔閏考是月庚子朔

癸卯詔錢與物同少則

貴多則賤當十錢法行之方定今鑄不絕源源而來錢

數既多法隨而弊私鑄復興混淆無別其法必壞非長

久之術舊鑄錢監並依舊額止鼓鑄小平錢其後降指

揮改鑄當十錢數等並罷京畿大觀東監亦聞無物料

可罷新置河東河北陝西諸監鼓鑄當十銅錢夾錫錢

可罷鑄當十銅錢外仍尙書省取索如新邊無鐵炭不

可鼓鑄去處相度減罷外有合存留者擬定將上取旨

恐遇俗無知將謂不行當十錢故有鼓惑羣聽仍令開

封府立法行下

紀事本末卷百三十六

丁卯呂惠卿降授正奉大夫侍御史毛注劾惠卿上表

謝復官用詩風雨及青蠅節南山等章句以古君子自

處而以亂世方盛時罪不可赦故有是命紀事本末卷一百三十

通鑑作丁卯日

二月案錢大昕朔閏辛未龍圖閣學士新知杭州張商

英為資政殿學士中太一宮使商英入對言神宗修建

法度務以去害興利而已今試一一舉行則盡紹聖之

美矣法若有敝不可不變但不失其意足矣紀事本末卷一百三十

一案編年備要云商英過闕入對上問向來黨籍之由

對曰臣嘗作嘉禾頌大臣以此相媒孽若非陛下洞究

本末臣何由出黨籍上因語及蔡京亂紀綱事商英曰

蔡京自來專權任意不知都省批狀便是條貫入狀請

寶便是聖旨若前後失序安得不亂上曰京多引用親

黨商英曰京舊居兩浙既貴浙人之高貨巧宦者苞直

結託今皆為心腹耳目上又曰近來風俗甚不美商英

曰此正今日之大患也上曰已逐三十餘輩矣商英曰

餘黨尙多上曰百姓聞卿來皆鼓舞欣悅商英曰何

千臣事是日商英見聖躬微興遂留爲中太一宮使

戊寅議禮局奏古者祫祭朝踐之時設始祖之位于戶

西南面昭在東穆在西相向而坐薦籩豆脯醢王北面

而祀之此堂上之位也進饌之後席于室在戶內西方

東面爲始祖之位次北方南面布昭席次南方北面布

穆席其餘昭穆各以序此室中之位也設始祖南面之

位而朝踐焉在禮謂之堂事設始祖東面之位而饋食

焉在禮謂之室事考漢舊儀宗廟三大祫祭承孫諸帝

以昭穆坐於高廟毀廟神主皆合食設左右坐高祖南

面則自漢以前堂上之位未嘗廢也元始以後初去此

禮專設室中東向之位晉宋隋唐所謂始祖者不過論

室中之位耳少牢饋食大夫禮也特牲饋食士禮也以

儀禮考之大夫士祭禮無薦腥朝踐之事故饋食於室
至於天子祭宗廟則堂事室事皆舉堂上位廢而天子
北面事神之禮缺矣伏請每行大祫堂上設南面之位
室中設東面之位始祖南面則昭穆東西相向始祖東
面則昭穆南北相向以應古義又奏古之祭祀必七日
戒三日齋然後可以交於神明周官大宰祀五帝則前
期十日帥執事而卜日遂戒謂散齋七日致齋三日也
秦變古法改用三日漢則天地七日宗廟五日魏晉因
之唐則大禮七日雖多寡不同皆非先王之制乞明詔
有司應郊廟大祭祀皆前期十日而戒散齋七日致齋
三日以應典禮又奏竊惟陛下度律均鍾更造雅樂施
之天下爲萬世法至於禮器尙仍舊制未聞有所改作

禮樂者國之大本而起於度數度數得則權量正法度

一而民不疑今禮樂異制不相取法非所以一民也乞

明詔有司取新定樂律之度審校禮器有不合者悉行

改正以副制作之意並從之原注云以上並因實錄又奏修成大

觀禮書吉禮二百三十一卷祭服制度十六卷祭服圖

一冊據經稽古酌今之宜以正沿襲之誤又別爲看詳

十二卷祭服看詳二冊詔行之紀事本末卷百三十三

蓋因新儀也御筆改正七項當檢新儀刪取增入本局

竊子臣等聞國之事莫大于祀禮之經莫重于祭所以

嚴神祇之奉隆本始之報聖王之制以此爲先其器服

之用牲幣之等疎數之節多寡之數見於周官者爲詳

自秦漢以來禮文殘缺間俗學因陋就寡雖天地大

祀所當明察而合祭之失千載莫革則其餘蓋可知矣

道與世升理若有待恭惟皇帝陛下天錫明聖丕承先

烈爰詔有司討論舊典親御翰墨著爲格目科指部居

總集該盡承學之臣獲遵實訓實千載難逢之會臣等

今恭讀所頒冠禮格目博極載籍先次編成大觀新編

禮書古禮二百三十一卷并目錄五卷總共二百三十一
六期系服制度十六卷共一十六册祭服圖一册其據
經籍古酌今之宜以正沿襲之誤又別爲看詳一十二
卷目錄一卷共一十三册祭服看詳二册謹隨制子
進損益裁成伏乞斷自聖學仍乞降付本局修定儀注
大觀四年二月初九日奉御筆閱所上禮書并祭服制
度類見詳盡內祐祫禮自昔所論不一今編次討論
尤爲允當除依今來指揮改正外餘依所奏修定
御筆改正七項禮書卷第一議先奏六樂後奏黃鐘合
用禮神祀神之禮先王祀天各以象類求之方其求于
幽則體其道而象其色璧以圓犢以蒼日以冬至以其
幽而遠故備樂而求之自黃鐘陽生之律至雲門之舞
六變而後天神始降可得而禮其求于顯則體其用而
象其色不以璧之圓而以圭之銳不以犢之蒼而以特
之赤日以上辛以其顯而近故分樂而序之奏黃鐘歌
大呂舞雲門而已夫天帝一也自本而求之則曰天自

其用而求之則曰帝其禮其義其所其事各異也祀天者不可以求帝求帝者不可以祀天天者昊天也帝者感生帝也詩曰皇天上帝旣曰天又曰帝體用不同故也今先獻以蒼後獻以赤考周官之書有分而序之之言無合而祀之之說有蒼璧四圭之異無先璧後圭之制有蒼犢騂牲之殊無先蒼後赤之禮夫牲本赤而飾以蒼欲以降神之禮格天天其可欺乎蓋自周以迄于今千數百歲未之有改今無所稽據合其禮於圜丘冬祀之日違經背義不可施行禮書卷第二議設壺尊於壇下禮之施各有其宜禮運所稱後聖有作爲臺榭宮室以炮以燔以烹以炙元酒在室醴醕在戶粢醢在堂澄酒在下陳其犧牲列其琴瑟以降上神與其先祖考

其宮曰室曰戶曰堂曰下蓋在寢在廟之制非丘壇之
禮考周書酒正掌酒之政令有酌數有器量亦無在上
在下之文于古無所稽可不須改禮書卷第四議乞立
春後上辛日祈穀先王祈鬼神各隨其事各協其時各
異其禮萬物萌於春新於辛正月春之始和也上辛日
之初應也故祈穀以正月之上辛不可易也若立春前
遇辛不祈於立春後別以辛日是爲次辛非上辛也今
歲在庚寅上辛在丑立春在申次辛在亥遇丑不祈而
於亥日則辛之氣已過不逆其氣而求之非禮也不可
施行禮書卷第五蜡祭增日月于南北壇罷去二十八
舍星次重複先王制禮以求鬼神或於其所出之方出
其所主之事曰陽月陰方求神而覲之則禮曰於南禮

月於北日出東方月出西方求神而覲之則祀日於東
壇月於西壇各有所主也先王之於日月或實其出或
致其至或餞其入或禮之或祀之其義不同蜡祭兼日
月既祀於西東矣而又禮之於南北天無二日豈不瀆
乎且覲禮所載覲而禮之非祀禮也今去星次重複而
增日月之祀重複甚矣不可施行禮書卷第十一議乞
執政以上祭四廟餘通祭三廟禮有等差以別貴賤故
廟祭之數天子七世諸侯五世大夫三世士二世不易
之道今以執政官方古諸侯而上祭四世古無祭四世
之文又侍從官以至士庶通祭三世無差等多寡之別
豈禮意乎古者天子七世今太廟已增爲九室則執政
視古諸侯以事五世不爲過矣先王制禮以齊萬有不

同之情賤者不得替貴者不得踰故事二世者雖有孝
思追遠之心無得而越事五世者亦當取而定焉今恐
奪人之恩而使通祭二世徇流俗之情非先王制禮等
差之義可文臣執政官武臣節度使以上祭五世文武
外朝官祭三世餘祭二世議乞立廟者居處狹隘聽於
私第之側又無則隨宜創制禮以制情使貴賤大小各
當其分則禮必有制制必有數故不敢踰不敢紊也古
者廟在大門之內中門之左內示親左示仁也今臣僚
寓居私第無有定止禮令案此下原本有脫文立廟當麗於法矣
可應有私第者立廟於門內之左如狹隘聽於私第之
側力所不及仍許隨宜議乞品官廟視宅堂之制寢勿
踰於廟間數爲限庶幾易行陽數奇陰數偶天下屋室

之制皆以陽爲數今立廟制寢觀其所祭之數則祭四世者寢四閒陰數也古者寢不踰廟禮之廢失久矣士庶堂寢踰世度僭禮有五楹七楹者若一旦使就五三世之數則當徹毀居宇以應禮制人必駭政豈得爲易行可今後立廟其閒數視所祭世數寢閒數不得踰廟事二世者寢用三閒者聽紀事本末卷

己丑

案原作乙丑宋史作己丑日薛通鑑同據朔閏考是月庚午朔無乙丑日今依宋史本紀改

資

政殿學士中太一宮使張商英爲中書侍郎紀事本末卷百三十一

壬辰詔當十錢已降指揮罷鑄其河東等路見鑄夾錫

鐵錢亦依此施行其餘路並依此

紀事本末卷百三十六

癸巳詔方田之法均賦惠民訪聞近歲以來有司推行

怠惰監司督察不嚴賄賂公行高下失實下戶受弊有
害官法可嚴飭所部仍仰監司覺察如違當行嚴斷事紀

本末卷百三十八案文獻通考卷五云臣僚上言朝廷
推行方田之初外路官吏不遵詔令輒于舊管稅額之
外增出稅數號為盛利其多有一邑之閒及數萬者望
下逐路提舉司將應有增稅縣分並依近降指揮重行
方量依條均定稅數不得于元額外別
有增損止令提刑司體量詣實聞奏

岳珂愧郊錄卷六云政和五年十一月四日臣僚言
諸色人燃頂煉臂刺血斷指已降指揮並行禁止日
來未見止絕乞行法詔發支體有害風教況夷人之
法中華豈可效之累降處分終未能革可隔行下以
大不恭論添賞錢三千貫文監司守臣知而不舉與
同罪又云詔則大觀四年二月一日已有之矣宋史
本紀二月庚午朔群臣畢氏通鑑云正月辛酉詔士
庶拜僧者以大不恭論禁燃頂煉臂自毀者畢通鑑
云正月辛酉中丞吳執中言竊聞邇來諸路以人行
貢者如親病割股或對佛燃頂或刺臂出血寫青詞
以禱或不茹葷誦佛書以此謂之孝諸類不可遽數
俾長貳博士攷其道藝別白是非激去冒濫勿使妄
進從之辭畢作正月蓋以吳執中上疏日在正月辛

酉

三月

案錢大昕朔閏考是月己亥朔

庚子詔六藝皆聖人者作乃者增

學舍置師弟子而入流命官靡有區別其令醫學生併

入太醫局算學生入太史局書學生入翰林書藝局畫

學生入翰林圖書局罷學官及人吏等紀事本末卷百三十五

續宋編年資治通鑑陳瓘之子正彙詣杭州告京有

反狀知杭州蔡薺執入開封制獄權尹李孝壽使吏脅

鞠之瓘自明州逮入京罪貶瓘通州流正彙沙門島

瓘使承教正彙妄訴京罪貶瓘通州流正彙告變見三月十

案紀事本末卷二十九原注云正彙告變見三月十

一日據四史朔閏考三月己亥朔己酉日也續通鑑

編年上脫三月字通州安置及瓘謝表均詳見十一

月戊寅日下原注編年備要陳瓘語吏曰正彙安能

知之願得筆札悉以

聞吏恐懼不敢與丁丑議禮局奏臣等見編修賓軍

四月案錢大昕朔閏考是月己巳朔

以下四禮據周官以朝宗覲遇會同問視為賓禮蓋以

古者天子之於諸侯有不純臣之義故其來也以賓禮待之開元及開寶惟以蕃國主及蕃國使朝見爲賓禮自大朝會以下並於嘉禮修入軍禮除依周禮合編外大均大役之禮及均賦貢力征及修築宮邑之事看詳古者六師出於鄉軍政寓於井田故大均大役列爲軍禮降周以來兵農判而爲二其事又非禮官所掌故開寶軍禮並不編入又有大封之禮自置郡縣其禮不存開寶雖有冊拜諸王公儀係於嘉禮中編入嘉禮除依周禮合編外有飲食之禮親宗族兄弟有燕饗之禮親四方之賓客古者飲食燕饗之禮其事不同行之或在路寢或在祖廟今朝廷所行均謂之燕禮又脰膾之禮親兄弟之國慶賀之禮親異姓之國說者謂兄弟同姓

之國也異姓婚姻甥舅之國也今雖有賜胙之禮事既畢比及羣臣其儀已具吉禮婚姻甥舅置第京師非如昔裂土受封開元及開寶定禮並無上件儀注乞斷自聖裁付本局遵依編修御筆賓禮鹿鳴之詩以燕羣臣其詩曰以燕樂嘉賓之心蓋方其燕樂則羣臣亦爲之賓非特諸侯也主尊賓卑君爲主而尊臣爲賓而卑賓主尊卑之義辨矣今雖不同封建諸侯賓禮豈可廢缺自罷侯置守守臣亦古諸侯也其赴闕被召奏事之類則朝覲會遇之禮豈可廢乎唐不知此而移於嘉禮非先王制禮之意可依周禮參詳去取修立軍禮兵農雖分均而恤之役而任之固在大均之禮恤眾恤其事也大役之禮任眾任其力也恤其事非特地賦地職而

已任其力非特築宮邑而已今諸軍三年一戍無久近
之差無勞逸之異無遠邇之殊均之也營建城邑起保
甲興兵夫之類役之也則均役之禮豈可無之禮春也
故軍禮在焉其事則各隨所隸如大蒐田之制在夏官
朝宗在春官而圖事比功在秋官則豈害於非所掌乎
至如大封今有五等封爵然無合眾之事在所去取禮
緣人情因情立制古有今無則不必膠古古無今有則
自我作古惟當而已嘉禮飲食以親宗族兄弟今宗室
親王皆有歲時牲餼酒食之賜是也賑膳以親兄弟之
國今兄弟雖不之國祭而受福豈可不與兄弟其之有
司自當斟酌時事考循古意以立禮制

壬午

長編卷五百十四元符二年八月丙辰運河淺澀
請令逐州軍通簽判兼管內運河庶可責辦原注

大觀四年四月十日

癸未蔡京上哲宗實錄

紀事本末卷百三十一案編年

不自循省增飾臺池外示開暇執政大臣多出其門謀
謨日聞牽制不改乞降前後章疏著京之罪俾速去
而給事中何昌言又奏大臣被罪須有章疏合過門下
省關四方按京頃居相位擅作威福濫賜子以私國用
輕爵祿以示私恩謂財美皆謔漫務與工為駭擾古人
有一於此必加嚴刑而京兼有之自京再罷相士民以
為京去可必既而又以哲廟實錄未竟而留其如之何
去計杳然若非天變曷見有以警陛下人力其於何
上始下公弼前所上章降京太子少保致仕居於外而
中丞吳執中乃上疏謂進退大臣當全體貌于是為京
降詔略曰向慮錄怨挾無舊事下石傾擠彈
章不已故京得不重貶而且知京將復用矣

丙申議禮局奏文宣王自開元追諡之初則內出王者

充冕之服以衣之樂用宮架其禮制蓋嘗增崇矣國朝

會要國子監神像舊用冕九旒服九章而不載其更易

之端崇寧四年八月詔從國子司業蔣靜之請改用冕

續資治通鑑長編拾補

卷二十九

九

十二旒服九章而又圖繪頒之天下郡邑其執圭立戟
乞並從王者制度又言弟子公夏首后處公肩定顏祖
鄔單罕文黑秦商原抗樂欬從祀文宣王臣考之史記
嘗有其名唐開元禮亦載祀典乞皆贈侯爵使預祭享
又言九宮貴神皆星也自唐以來置壇特祀國朝因之
玉用兩圭有邸夫兩圭有邸祀土地之玉以祀星辰非
是乞改用圭璧以應古制又乞增祀熒惑圭璧及易每
歲臘祀大社稷並用太牢如春秋二仲之祭又言國家
崇奉赤帝爲感生帝以僖祖配侑與迎氣之禮不同尊
異之也而乃於立夏迎氣之壇祀之甚不稱所以尊異
之意請於南郊別立感生帝壇依赤帝高廣之制又言
周官天府比國之玉鎮大寶器大祭則出而陳之說者

以爲大祭禘祫也乞遇祫饗應瑞寶貢物可出而陳者
並令有司依嘉祐元豐詔從事凡親祀太廟依此又言
請詔有司倣古法制五齊三酒及依開元開寶通禮七
祀不設奠幣焚幣之儀他小祀依此又請郊廟牲牷命
有司毛取純色芻之三月易一牢以應在滌之義中祀
六十日小祀三十日又請倣周禮置公桑蠶室以興蠶
事而供祭服又言元冥水官厯代祀之不應燔燎開元
禮及本朝開寶通禮禮畢祝版燔於齋所非是乞祝與
幣皆瘞之又言周禮追享朝享裸用虎彝蜼彝朝踐用
兩大尊今春夏每享各用大尊二是以追享朝享之尊
施之於禴祠烝嘗其爲失禮明甚自今四時享太廟不
用大尊又言灌以圭璋用玉氣也典瑞裸圭有瓚以祀

先王圭瓚之制以圭爲枋其長尺有二寸黃金爲勺青金爲外朱中央其容五升其徑八寸其勺之鼻爲龍首所以出鬱鬯也其下有槃其徑一尺所以承圭瓚也其大小長短之制皆不如禮乞改造以應古制又言牙盤上食非古也肩天寶之末韋彤等據經而議謂褻味多品不可交於神明欲罷去之乞祭惟藉以席不用牙盤又言職金旅于上帝則其其金版蓋旅上帝非一帝也必有版以辨其名與位而版必以金爲之者蓋禮大者莫過乎事上帝所以極嚴潔而不敢忽也乞祀昊天上帝皇地祇五方上帝神州地祇大明夜明與配神之帝皆以黃金飾木爲神位版鏤青爲字其餘則用朱漆金字以是爲尊卑之差又言太常祀感生帝神州地祇乞

牲用繭栗器用陶匏

案文獻通考卷七十八載此疏云所用之器與宗廟同則竹用繭栗席用藻秸已合古祀而

為非稱請改用陶匏云又言感生帝神州地祇國家崇

奉為大祀以億祖太宗配侑而有司行事不設宮架二

舞殊失所以尊祖侑神作主之意乞皆用宮架二舞從

之又言古者諸侯祭五世二昭二穆與太祖而五大夫

祭三世一昭一穆與太祖而三士祭二世祖禴而止按

今品官下逮庶人皆祭三世無尊統上下之差流澤廣

狹之別緣偷襲弊其流已久請自執政官以上自高祖

而下祭親廟四餘通祭三世庶幾有尊統流澤之差詔

曰禮有差等以別貴賤故廟祭之數天子七世諸侯五

世不易之道也

紀事本末卷百三十三

五月

案是月朔無考

己酉詔去歲諸路災傷今春雨暘時若農

務方輿所有方田可遵用熙甯故事並權罷候豐熟日別奏取旨其已方量了畢止是官司攢造文字去處許

依條限了當

紀事本末卷一百三十八

甲子先是門下省檢會臣僚上言

案畢通鑑上言者石公弼張克公等論

奏蔡京頃居相位擅作威福權震中外輕錫予以蠹國用託爵祿以布私恩謂財利爲有餘積皆出誕慢務誇大以興事功肆爲搔擾援引小人以朋黨假借姻婭布滿要途以至交通豪民興置產業役天子之將作營葺居第用縣官之人夫漕運花石曾無尊主庇民之心惟事豐己營私之計若是之類其事非一已有臣寮論列臣更不敢具陳及至名爲祝聖壽而修塔以壯臨平之山勢託言灌民田而決水以符興化之讖辭致姪侯之

告變而謬爲心疾受孟翊之誣言而與之官爵趙真欲
輔之妖術張大成竊伺其姦意駭動遠邇聞者寒心皆
足以鼓惑天下爲害之大者也是日詔蔡京權重位高
人屢告變全不引避公議不容言章屢上難以屈法特
降授太子少保依舊致仕在外任便居住制略曰案宋
載是詔爲張閣所作輕爵祿句上有云政事所寄尤嚴
誤國之誅人臣之姦莫重欺君之罪我有常憲揚於大
庭太師致仕楚國公蔡京頃以時才久膺柄任兩冠台
衡之峻三登公衮之崇庶圖爾庸以弼子治而總秉機
務出入八年事寢紊於將來謀悉違於初議擅作威福
妄興事功末寬典下有云於戲天事尚象明罰所以弭
災人道惡盈省躬所以引咎往欽善輕爵祿以市私恩
貸無重後愆紀事本末已刪去首尾輕爵祿以市私恩
濫錫予以蠹邦用借助姻婭密布要途聚引兇邪合成
死黨以至假利民而決興化之水託祝聖而飾臨平之
山豈曰懷忠是將邀案宋文福屢有告陳之迹每連狂

惇之嫌雖僅上於印章猶久留於里第偃蹇弗避傲睨
罔悛致帝意之未孚昭星文而申譴言章繼上公議靡
容固欲用恩難以屈法宜禡師臣之秩俾參宮保之官

聊慰羣情尙爲寬典紀事本末卷百三十一案續宋資

人慶告變全不引避公議不容降授太子太保致仕任

便居仕宋史本紀作均異恐誤曾敏行獨醒雜志卷二

與紀事本末及本紀均異出於奎婁之間又自三月不雨

云大觀四年五月彗星出於奎婁之間又自三月不雨

至五月上頗焦勞台臣吳執中等屢上章言蔡京罪惡

上亦寢薄京之所爲遂降太子少保致仕給事中何昌

言奏言大臣被降責須有章疏及所得聖語文字俱合

過門下省今京降官罷相乃止有麻制又錄黃各一道

並無事因乞依自來體例備今來行遣過門下省作定

本關報庶使四方明知京之罪狀上從遂以章疏付外

續宋編年資治通鑑夏五月停給僧尼度牒三年案

宋史本紀王寅日編年備要云毛注言天下僧尼增

舊十年凡數十萬人祠部歲給
度牒幾三萬乞權住三年從之
又有星孛於中宮長數丈始出王良造父間遂歷閣
道逆行入紫宮幾徧掃垣內外座已退俄又進掃帝

座者再前此後二十餘日乃減求直言大赦原注星變
莫甚於此宋史本紀丁未其後金人犯帝闕者再若
先兆案侍從官直言指陳關失戊午赦天下以彗見
減再見注言臣果論蔡京舉積惡以致上天人交謫
相致仕猶怙恩恃寵優居賜第不可以致上威怒推
其咎實在於京路京之舉蓋不可以致上威怒推原
碑以開白新之路京疾其異已而別爲之防禁陛下
頒明詔以齊海內以美官重祿交結人心錢鈔屢更
嚴刑峻罰不行邊事數易而國力大匱聲氣所振中外
憤疾宜早令去國消弭災咎奏上京始出居錢鎔蔡
條鐵圍山叢談卷一入紫宮再掃開道條問謝中興
爲政和政和者取庶政惟和之義又卷二出又改明年
年彗星逆從間道入紫宮再掃開道條問謝中興
驗果若何則仿佛漢中平末也即呼主書吏開櫃取
東漢志來因其視之見殺宦者易宏農而漢獻帝流
離事大駭懼中其期曰王莽時辛丑春也言不盡然
要概似之又問其期曰王莽時辛丑春也言不盡然
及王寅不驗則曰當在乙巳遂驗云又當癸卯
又改宏詞科立詞學兼茂科案十朝綱要及宋史本
紀甲寅日陳通鑑續編帝以宏詞科不綱要及宋史本
之土改立詞學兼茂科歲附貢士院去檄書而增制
詰中格則授館職歲不過五人編年備要云改宏詞

科爲之明年二月譚世勳以試中除館職後不書初
 試一試或言不無幸中宣和五年詔附省試能改齋
 漫錄卷一云大觀四年四月禮部奏擬立歲試詞學
 兼茂科格制依見行體式章表依見行體式露布如
 唐大破邊賊露布見行類以上用四六頌如韓愈元
 聖德詩又柳宗元塗山銘張孟西之類類如揚雄九
 又如柳宗元塗山銘張孟西之類類如揚雄九州巖
 體誠論風俗或百官之類分作兩場二篇亦許四六
 時立詞學兼茂科取四題以本朝故事或時事並限
 傳故事借擬爲題餘以本朝故事或時事並限二百
 字以上箴銘限一百字以上本朝故事或時事並限
 奏擬五月初五日始奉指揮玉海卷一百十六大觀
 月十六日改立詞學兼茂科於舊試格內除去年書
 增人制詔附省試又注自辛卯至戊申中選者七十
 月戊寅詔附省試又注自辛卯至戊申中選者七十
 六人洪適容齋三筆卷十大觀四年改立詞學兼茂
 科增試制詔二篇以歷代史故事在紹聖元年五月
 取不得過三人又案立宏詞科在紹聖元年五月可
 考紹聖時不
 試詔諸赦不

六月
 案錢大昕朔閏
 考是月戊辰朔
 英爲通議大夫尙書右僕射兼中書侍郎張商

紀事本末卷
 百三十一

注二月二十日為中侍合與此參考依日月附見商英
作內前行云髦頭昨夜光昭顯是夕收芒如禿帚明朝
化雨成甘雨來官家喚作調元手注云商英視事明日始
得雨上喜甚書商霖二字賜之又卷百三十六案曾敏
行獨醒雜志卷二云天覺自中書侍郎除右僕射蔡京
以少保致仕四為海歡呼善類增氣時星見而達沒旱
甚而雨人皆以為天覺拜相感召所致上大書商霖
二字以賜之且謂之曰高宗得傳說以為用汝作霖雨
今朕相卿非是之謂耶宋史張商英傳京久盜國柄中
外怨疾見卿是之謂耶宋史張商英傳京久盜國柄中
為政持平謂京雖明紹述但便稱賢徽宗因人望相之
夫爾達行大革弊事改當十錢以平泉貨復轉般倉以
罷直達土法以通商旅綱橫斂以寬民力勸徽宗節
華佗息相導騎至必匿匠樓下過則嘗葺升平樓戒主者
遇張丞相導騎至必匿匠樓下過則嘗葺升平樓戒主者
使商英曰祖宗之治內侍無至團練有勳勞當陟則別
立昭宣政諸使以寵之未聞建
旄鉞也訖持不下論者益稱之
七月考案錢大昕朔間辛丑臣僚上言乞方田不拘已畢
未畢並權住罷詔應方田雖已經方量而高下失當肥
瘠不均見有詞訴在官司者自係未畢合依已降朝旨

東坡志林卷之八

權罷其稅賦依未方已前各依舊送納

紀事本末卷一百三十八

已未張商英言當十錢自唐以來爲害甚明行之於今

尤見窒礙蓋小平錢出門有限有禁故四方客旅貨物

交易得錢者必入中來鹽鈔收買官告度牒而餘錢又

流布在街市小民間故官私內外交相利養自當十錢

行一夫負八十千小車載四百千錢旣爲輕齎之物則

告牒難售鹽鈔非操虛錢布

案布字畢通鑑作而字

得實價則難

行重輕之勢然也今欲權於內庫并密院諸司借支應

於封樁金銀物帛并鹽鐵等下令以當十錢盜鑄僞濫

害法限年更不行用令民間盡所有於所在州軍送納

每十貫官支金銀物帛四貫文

案宋史食貨志送官十千給銀絹各一匹兩限

竟無

擇其僞鑄者送近便改鑄小平錢存其如樣者俟

納錢足十貫作三貫文各撥還元借處然後京城作舊

錢禁施行乃可議權貨通商鈔法紀事本末卷百三十

七月二十二日張商英進呈再論錢法之弊今全錄初

草蓋因商英家所供文字今史院已不可尋矣八月四

日商英又論令下五十日而猶未大乎恐此奏不在七

錢沿襲五代及南唐故事歲鑄之額實增至慶厯元豐

間為最盛銅鐵錢無慮三百萬貫及元祐紹聖而廢

弛崇南初則已不及祖宗之數多矣魯公秉政思復舊

額以大錢少終不能得考夫古人之訓子母相權之說因

作大錢以物料一當十至大觀上又為親書錢文焉蓋昔者

鼓冶凡物料工入之費精一錢獨十得息者一二而官

吏運銅鐵悉在外也苟稍加工則費一錢之用始能成

一錢而當十錢其重二錢加四矣始亦通流又以精

精妙乃得大錢一利是十得息多矣盜鑄如東南盜鑄其

綴人愛重之然利之所在故多盜鑄如東南盜鑄其

私錢既鑄薄且製作粗惡遂以假多成弊大觀三年魯

能既罷朝議改為當二當三則折閱備焉雖縣官亦不

黃金在都金銀鋪未知之改當三也宰執爭輦錢而市

乙丑中書省措置財用所奏本所勘會京東河北鹽貨

熙豐舊法止依本路通行昨爲水壤解池權許通入解鹽地分今來陝西制置解鹽司稱兩池鹽三年溢額其東北鹽已過元立期限又稱見今解鹽地分與東北鹽相兼貨賣欲行禁止今先此相度將東北鹽只得於未通行解鹽州軍地分內貨賣其已通行解鹽州軍地分更不許放入其權貨務算計并諸場舍支入已通行解鹽地分鹽並自指揮到日住罷所有已算出東北鹽未入已通行解鹽分許於州縣鎮任便貨賣更不得放入已通行解鹽地分其已通行解鹽地分謂西川峽路州軍并河東磁隰晉絳州京西南路唐鄧襄均金房隨郢八州軍京西北路西京河陽汝州其客人見般到東北鹽貨未貨易者官爲盡數拘收未得出賣別取指揮算

錢還客如敢隱藏並同私鹽法斷罪詔在京通行解鹽
其在京合經由州縣地分內亦許通行仰措置財用所
相度卻於見行解鹽地分內據今來添展州縣權住通
行及合行事件並令本所疾速措置條畫申尚書省餘
依所申紀事本末卷百三十七案宋史食貨志云大觀四年張商英為相議復通行解鹽如舊法而東
北鹽母得與解地相亂越而有司議解地已復舊法印鈔請商旅已買東北鹽隨處官司期三日盡籍輸官償其價隱匿者如私鹽法

八月丁卯朔

密據錢大昕朔間考增朔字

御製大晟樂記云在藝祖

時嘗詔和峴在神宗時嘗詔李照阮逸在神考時嘗詔

范鎮劉几然老師俗儒末學昧陋不達其原曾不足以

奉承萬一以迄於今然仰繼先烈推而明之蓋古之作

樂書事與時並名與功偕制作各不同故文王作周大

樂書事與時並名與功偕制作各不同故文王作周大

勳未集則簾樂之聲不可行於武成之後武王嗣武卒其功伐則大武之聲不可施於太平君子持盈守成之日周雖舊邦樂名三易朕承累聖之謀述而作之有在乎是然奮乎百世之下以追千古之緒遺風餘烈莫有存者夙夜以思賴天之靈祖宗之休李良之弟子出於卒伍之賤獻黃帝后夔正聲中聲之法宋成公之英華出於受命之邦得其制作範模之度協於朕志於是斥先儒累黍之惑近取諸身以指爲寸以寸生尺以尺定律而樂出焉爰命有司庇徒鳩工一年制器三年樂成而金石絲竹匏土革木之器備以崇甯四年八月庚寅按奏於崇政殿庭八音克諧不相奪倫越九月朔百僚朝大慶殿稱慶樂九成羽物爲之應有鶴千隻飛鳴其

上乃賜名曰大晟置府建官以司掌之明年冬備三獻
九奏奉祠鼎簋復有雙鶴來儀自後樂作則鶴至如形
影之相召於以薦壇廟和萬邦與天下共之乃按習於
宮掖教之國子用之太學辟廡頒之三京四輔以及藩
府焉又親筆手詔布告中外以成先帝之志不其美歟
孟子曰今樂猶古樂蓋感人以聲則無古今之異四夷
之樂先王所不廢也雖樂不同而聲豈有二古今參用
永爲一代之制繼周勺之後革百王之陋以遺萬世貽
厥子孫永保用享大觀庚寅八月一日宣和殿記

卷百三
十五

己巳措置財用所措置相度條畫到下項一今來解鹽
至東京合經由州縣欲乞令鄭州管下并中牟開封府

祥符陽武縣管下并令通放解鹽一今來既令經由州縣過行解鹽卻乞將昨來王仲千所乞通入京西北路陳穎蔡州信陽軍權住通放一所有添展通放解鹽州縣客人已販到東北鹽約束日限並乞依今月一日已申事理施行一客人自降今來指揮到日已算請出東北鹽元指定東京未到者今乞只令於所至州軍批引其在鹽場未請出鹽者今後只就鹽場批引其已到京未貨易者限五日令所委官就都鹽院盡數依在市見賣每觔價全袋拘買即不得辭折減落其價錢欲乞令權貨務支還一在京鋪戶買下客人鹽且令依舊價零細出賣候都鹽院出賣日別有指揮一乞令在京鋪戶赴都鹽院請買出鹽置鋪零細出賣每觔官收價錢四

十五文足每一百觔支與耗鹽十觔其鋪戶須得依官
價出賣不得擅自增長一欲令戶部選委權貨務監官
一員不妨本職專切管勾買賣事件一乞就都鹽院擇
截教屋收買客鹽一乞就委見差提舉買鈔戶部郎官
專切提舉買賣鹽一宗事務詔並依

紀事本末卷百三十七案玉海卷一

一百八十一條
三日修東南鹽法百三十條

庚午張商英言陛下奮發英斷慨然欲救錢輕物重之
弊一旦發德音下明詔捐棄帑藏數千萬緡錢寶改當
十爲當三令下之日中外歡呼萬口一辭厯考史策自
二帝三王以來未見如此之舉也然而姦邪在內者密
倡其說曰不久必復舊可畜以待也姦邪在外者曉
民以掠美曰當三則虧汝當七則折中矣是以小民聽

而和之令出五十日而猶未大孚也伏望陛下固志不移使正議卒行姦邪愧服而漸消其凶悍不平之氣

本末卷百三十六

戊寅詔州小學生更不給食又詔自今取貢額三分於大比前一年解發不入學及雖入學而見係退黜者方得取應又詔所在學生及五百人許置教授二員其不及五十人者不置以本州在任有出身官兼領尋改五

十人作八十人

紀事本末卷百二十六

續宋編年資治通鑑秋八月省冗官案宋史本紀戊寅省內外冗官

又石公弼上疏言自崇甯以來任事之人專務饒功俸賞開邊則招納無窮修造日廣民力凋瘵饑疫相繼死者過半輓運花石荒廢農業蜀南之役湖廣蕭然上天垂戒甯不在茲願息民以承天意何執中張商英入相欲引為執政何執中吳居厚交阻之以

樞密直學士知揚州

閏八月

案錢大昕朔閏考是月丁酉朔

己亥詔付議禮局士庶每歲中

元節拆竹爲樓紙作偶人如僧居側號曰孟蘭盆釋子

曰薦度亡者解脫地獄往生天界以供孝德行之於世

俗可矣景靈宮祖考靈遊所在不應俯徇流俗曲信金

狄不根而設此物縱復釋教藏典具載此事在先儒典

籍有何據執并是日月於帝后神御坐上鋪陳麻株練

葉以藉瓜花不委逐項可與不可施之宗廟又詔佛乃

西土得道之士自漢明帝感夢之後佛教流於中國以

世之九卿視之見今景靈兩宮帝后忌辰釋教設水陸

齋會前陳帷幄揭榜帝號浴室僧徒召請不違佛敕來

降道場以祖宗在天之靈據從佛敕之呼召不亦瀆侮

之甚乎況胡佛可以稱呼敕旨有何典常又詔犬之爲物在道教中謂之厭獸人且弗食而歲時祭祀備于禮料登于鼎俎於典禮經據如何該載本局言孟蘭盆本梵語譯以華音卽救倒垂器也釋氏之說以爲大目健連爲母墮餓鬼趣中乃於僧自案原本脫字之日具飯五果百味置盆中以供十方而母得食然則具飯以度苦趣設器以救倒垂行於世俗可也景靈東西兩宮嚴事祖考神靈在天對越在下柰何俯徇流俗設孟蘭盆之儀乎至若麻株練葉以藉瓜花亦非經訓獨出疏鈔麻穀眾草之論及楚人五月五日起屈原之說尤乖典禮不可施用景靈兩宮帝后忌辰用釋教設水陸齋供而僧徒召請有不違佛敕之呼以祖宗而從佛敕以胡佛而

稱敕旨失禮畔經不可以訓求之典常所宜刊正今景
靈宮所用水陸儀式除功德名位崇甯五年奉睿旨編
類成冊外而其間應用詞語臣等以謂亦宜如金錄齋
儀逐一供具明詔所屬選官再行看詳凡涉僭紊悉行
刪正庶於行用無誤太廟祀祠雖具犬牲然六牲之薦
蓋亦未備矧犬爲厭獸人猶弗食而載之鼎俎以享神
明豈事死如事生之意乎臣等以謂宗廟之祭宜如六
牲之不具馬雞四豆之弗薦雁醢之義去犬牲不用並
從之仍令禮部取索詞語刪潤聞奏

紀事本末卷

續宋編年資治通鑑 閏月以張闓知杭州兼領花石
綱先是年有朱勔者因蔡京以進案乾道臨安志卷三
大觀四年九月壬申以翰林學士張闓爲龍圖閣學
士知杭州與此異月宋史與此同作辛酉日趙彥衛
雲麓漫鈔卷一云朱勔之父朱冲者吳中常賣人方
言以微細物博易於鄉市中自唱曰常賣一日至虎

邱主僧聽其聲甚驚出觀之但見憩於廊下延之設
茶語以他日必貴自是主僧頗周給之其子勸有幹
村蔡太師憩平江沖壩以見蔡因得出入門下被使
令再入相京屬童貫以軍功補官遂取吳中水竄以
進并工巧之物輪上方就平江應奉局百工技藝皆
役之閒以金珠大器分遺後宮至闕下又令發運司
遂取太湖石大者尋丈皆運至闕下又令發運司
津置謂之花石綱勸與其子汝賢得以下又令發運司
意花石初才致黃楊三石四本上已嘉之於歲歲增
加遂至舟船相繼號曰花石綱數百萬搜應奉局於平江
指內帑為囊中物每一發輒數百萬搜應奉局於平江
下置雖江湖不測之淵力不可致者百計出之黃帕覆
神運凡士庶之家有一花一木之妙者悉以黃帕覆
之指為御前之物不問墳墓之閒盡皆發掘石巨者
高廣數丈載以巨艦輒以千夫鑿河斷橋毀堰折開
數月方至京師巨艦輒以千夫鑿河斷橋毀堰折開
卽所居創一園林樹之勝冠於二浙後復取旨建神
霄殿塑青華帝君像其中監司郡守初到必朝謁焉
曾敏行獨醒雜志卷十云朱勛本一巨商與其父殺
人抵罪以賄得免死因遁跡入京師交結童蔡援引
得官以獻至顯欲假事歸以報復讎怨先搜奇石異
卉以出卽以御前供奉為名東南富有此物可訪求
旨而販出卽以御前供奉為名東南富有此物可訪求
來窩販于淮浙閒凡官吏居民舊有毗睚之怨者無

不生事害之兩說朱勳出處相異舉通鑑云開恩所以固寵乃因辭日乞自領花石綱事自此應奉益繁矣

又九月丙寅朔日有食之案宋史契丹國志均同遼史不書

又罷勸增寺觀額案

十朝綱要辛卯日

又冬十月立貴妃鄭氏為皇后案宋史本紀東都事

略丁酉日陳通鑑續編后開封人初帝為端王常朝

欽聖太后於慈德宮后時為押班太后命后供侍帝

即位太后因以賜帝后性端謹善承帝意好觀書章

奏能自製帝愛其才寵冠後宮竟立為后編年備考要

云后有異寵上多齋以詞章天下歌之朔間考是月

丙申朔

十一月

案錢大昕朔間考是月乙丑朔

丁卯勘會朝廷方田之法本均

稅賦使無偏輕偏重之弊蓋所以恤民非所以厲民也

訪聞天下方田官吏多不體朝廷之意騷擾良民靡所

不至非特方田以增稅賦又且兼不食之山而方之俾

出芻草之直上戶或增數百緡下戶亦不下數十緡民

戶因此廢業失所飢孥者有之仰所屬監司推原均田

之意改正施行悉如舊令

紀事本末卷百三十八

乙亥議禮局言皇后受冊用開元開寶禮參以近儀修

定是日有司陳黃麾細仗設宮架皇帝服通天冠絳紗

袍臨軒命使羣臣皆朝服皇后服褱衣受冊於穆清殿

以內侍受冊寶內外命婦班賀羣臣於內東門上牋稱

賀皇后表謝羣臣入賀如儀乞修祗謁景靈宮儀注及

製樂章從之

紀事本末卷百三十三案宋史本紀十一月乙丑朔朝景靈宮

戊寅詔通州安置人陳瓘與自便

紀事本末卷百二十九原注云此據丁未

錄大觀四年十一月戊寅詔通州安置人陳瓘與自便

初瓘自合浦放還居四明而其子正彙幹至餘杭適聞

蔡崇盛託蔡京有動搖東宮之語正彙即日自陳於杭

帥蔡薺薺時方結蔡京為死黨遂欲正彙送京師而飛

書告京俾預爲計事下開封制獄知開封李孝稱願吏
也乃并下明州捕獲士民哭送之權不爲動既就獄願
其于笑曰不肖子煩吾一行孝稱魯權使證正彙之安
確曰正策聞京將不利於社稷傳於道路遠自陳告權
以所不知棄父子之恩而指其爲妄則情所不忍挾私
情以符合其說又義所不爲況不欺不貳平昔所以事
君教子豈於利害之際有所貪畏自違其言乎蔡京姦
邪必爲國禍確固常論於諫省亦不待今日語言聞也
時內侍黃經臣監勸問所對失聲歎息謂確曰上正
欲知實狀右司第依此置對其後獄具竟坐正彙以所
言過實流竄海島而確亦有通州安置之命確之表
曰脫死幽縲置身善地亦通曲達孤涕橫流伏願臣投
質之餘年齡已暮皆有自貽之戚天實譴之災非無妄
而來人誰咎者議律難逃于常憲原情獨賴於清衷積
感彌深論報無所此蓋伏遇皇帝陛下情獨賴於清衷積
之中宥罪每發於深慈施刑甯失於過厚不遺疎遠咸
與并包臣敢不上體寬仁結草之報愆咎終通於屏跡益堅愛
主之誠死而有知尚圖結草之報愆咎終通於屏跡益堅愛
許其自便瑾謝表曰恩由獨斷澤被孤忠刑部之執守
雖堅天子之福威無壅乃公朝之盛事豈小己之私榮
恭致感仰讀高聽伏念臣昨蒙善貸賜以生還萍跡
孤踪久寄食於異縣華門幹蠱常委事於長男所營不
足以及藩身其出每緣餬口去庭闈者累月聞道路之一
言耳受而輒行親危而不顧緣帥司深疾其多事故傳

又張商英言編熙寧元豐事號皇宋政典（案編年備要載其目曰原廟新省差除三舍導洛斷例回河保甲將兵免役青苗更祿守具禮樂營造詔就尚書省置局商英謂蔡京以紹述為名但劫制人主禁錮士大夫爾故作政典以黜其妄能改齊漫錄卷十三云四年十一月向書右僕射張商英奏乞編集國書元豐政事號曰皇宋政典為萬世不刊之書奉聖旨依玉海卷五十一又卷四十九置局尚書省是月乙丑朔戊寅為十四日又卷四十九大觀四年商英撰神宗政典六卷三十篇編年備要云時商英稍事更變省六路上供錢罷東北鹽復行解鹽又罷內庫出利鈔鹽歸之有司亦不以少廢而報私怨且裁抑僥倖為性頌疏凡有所欲為心先誦言於廣坐人皆得預為計而左僕射何執中陰患之又鄭居中雖以外戚難罷極密而植黨窺伺商英惡之居中乃與蔡薺劉嗣明之徒共陷商英又內侍楊戡提舉後苑營作除節度使商英執不可諫曰祖宗法內侍皆寄資無至團練使者大有所勳勞則別立宣昭等使寵之未聞除節鉞也鐵益銜之商英既置典局久之又降旨使通州安置人陳瓘上所著尊堯集於是瓘具奏且申政典與局請於御前開拆有謂瓘當答商英書瓘曰商英為相有所施為不於三省公行乃置局建官若白私者正恐尊堯集至而彼已動搖亟遠其跡猶恐不免況以書乎時中丞張克公等阿附蔡京亦揣上旨向

京數條奏京政事且効商英明年秋詔神
宗德業具在信史其政典無用可罷局

十二月

案錢大昕朔閏考是月乙未朔

戊戌宰相張商英言臣少也賤

刻苦力學窮天地之所以終始三光之所以運行五行

之所以消長人神之所以隱顯潛心研思垂四十年而

後著成三才定位圖今繪爲巨軸上進如有可採願得

巨石刊刻垂之永久從之

紀事本末卷一百三十一

庚戌觀文殿學士呂惠卿知大名府

紀事本末卷一百三十一

續資治通鑑長編拾補卷二十九

錢唐王崇鼎輯注

續資治通鑑長編拾補卷三十

徽宗

政和元年正月案錢大昕朔閏考李璣十辛未詔諸路

州軍學生不至八十人處不置教授若係熙豐曾置教

授雖不滿八十人自合存留紀事本末卷百二十六熙寧

四年詔置京東西河北陝西五路學令中書采訪逐

路有經術行誼者各三五人雖未仕亦給簿尉俸使

教授他路州軍令兼近日選薦京朝官有學行可為人師

者當除逐路州官兼所任州教授仍置小學教授元豐

元年詔諸路州府學官共五十三員元祐初齊廬宿常

虔頤同懷瀘州陽等州始相繼置教授三舍法行而員

額愈多崇寧元年宰相建議天下皆置學郡少或應書

人少即合二三州共置一學學悉置教授二員至大觀

時吉州建州皆以養士數多置教授三員尋詔諸路州

學生員及五百人以上許置教授二員不及八十人罷

置教授及以在州有科名官兼蒞學事

丙戌詔議禮局進禮書

案宋史禮志大觀初置議禮局於尚書省命詳議檢付官具禮

志制本末議定請旨三年書成爲吉禮二百三十一卷
祭服制度十六卷願焉議禮局請分秩五禮詔依開寶
通禮之序政和元年續修成四百
七十卷且命倣是修定儀注
有見係責降人依例更不推恩所給告令吏部勾取毀

抹百紀事本末卷

壬辰詔案紀事本末不繫日畢沅續資治通鑑明州案

沅續鑑居四明取陳瓘尊堯集送編修政典局案續宋

浦放還張商英請纒熙甯元豐間從張商英建請也事

治通鑑爲皇宋政典就尙書省置局
事號爲皇宋政典就尙書省置局

本末卷百二十九案岳珂程史云日錄一書本熙甯開

判公奏對之辭私所錄記紹聖以後稍尊其說以竄定

元祐史牒蔡卞又因其壻方烜赫用事書始益章建中

靖國初曾布主紹述垂意實錄大以據依陳了翁確爲

右司員外郎以書抵文肅謂薄祿考而厚安石尊私史
而壘宗廟不可文肅大怒罷爲外郡尋責合浦了翁始
著合浦尊堯集爲十論但辨其所記載猶未敢以荆公
爲非及北歸又著四明尊堯集爲八門曰聖訓曰論道
曰獻替曰理財曰邊機曰論兵曰處己曰萬言始條分
而件析之無婉辭矣政和元年徽宗聞有此章下政典

局宣

續資編年資治通鑑卷正月毀京師潘祠案宋史本
紀王中興京師潘祠案宋史本
鑑同李直十朝綱要紹興開封神祠不在祠典者凡
一千三百八十區九朝編年備要毀京師潘祠凡一
千三百八十區九朝編年備要毀京師潘祠凡一
餘區

二月是月甲午朔開考丙辰長編卷五百十六元符二年
重差陸思閔等指置原注云政和元年

三月癸亥朔御製御書鑑案畢沅續通政和新修五禮序
議禮局請刻石於太常寺許之百三十三卷觀文殿

學士新知大名府呂惠卿為醴泉觀使紀事本末卷百
十七日致仕去年十二月未知名府呂本中雜說云

大觀間呂惠卿復召陳瑾瑩中以書勸惠卿平好惡無
念舊惡無以元祐細故為意惠卿答云丁亥之禍猶無

一念追憶之意況元祐乎丁亥歲張懷素事作蔡京欲
因獄事傳致惠卿之子下獄榜答數千下獄

台招服一與懷素謀反其子卒不服得免

戊辰議禮局奏續次編成大觀禮書賓軍等四禮四百

九十七卷

宋史禮志作四百七十七卷藝文志大觀禮書賓軍等四禮五百五十五卷看詳十二卷

詔依此修定儀注進呈鏤板頒降

紀事本末卷百三十三

四月

錢大昕四史朔

癸丑議禮局奏有詔就先蠶壇

之側度地築公桑蠶室歲養蠶以供祭服令具制度以

聞合制公桑蠶室按古者公桑蠶室近川而爲之築宮

僅有三尺棘牆而外閉之後齊之制爲蠶宮方十步墻

高一丈五尺被以棘其中起蠶室二十七今乞倣後齊

之制度地爲宮四面爲墻高僅有三尺其屋室閒架多

寡視養蠶簿數修建合置繭館按漢舊儀皇后蠶於蠶

室手三盆於繭館合置繭室按漢舊儀凡蠶絲絮織室

以作祭服故有東西織室養蠶簿數於經無見按漢舊

儀養蠶千簿以上乞並依漢制合置桑林按晉制桑林
在東而無多寡廣狹之限今若倣漢制養蠶卽當約千
薄所用之數度地爲之合置采桑壇按晉制築桑壇於
桑林之側至唐開元禮築於先蠶壇南相去二十步方
三丈高五尺四出陞國朝開寶通禮因之合依此修建
築室建殿按後齊制爲蠶宮其中建別殿一區用爲親
蠶之所今藉田有思文殿以俟御耕臨幸合依倣藉田
之制於蠶宮中置親蠶殿詔從之親蠶殿仍以無數爲
名紀事本末卷百三十三案宋史禮志政和禮局言禮
天子必元有公桑蠶室以爲郊廟之祭服今既開藉田以供
遂朱緣之元黃之以爲郊廟之祭服今既開藉田以供
桑盛而未有公桑蠶室以供祭服向爲闕禮請倣古制
於先蠶壇側築蠶室度地爲宮四面爲墻墻高仞有三
尺上被棘中起蠶室二十七別構殿一區爲親蠶之所
倣漢制置繭館立織室於宮中養蠶於千簿以上度所
用之數爲桑林築采桑壇於先蠶壇南相距二十步方

三十一

三

三丈高五尺四陞凡七事置釐官合丞以供郊廟之祭
服又用官內宰詔行帥內外命婦釐於北郊鄭氏謂婦
人以純陰為尊則釐為陰事可知開元禮享先蠶幣以
黑蓋以純陰為尊則釐為陰事可知開元禮享先蠶幣以
從其議命親贊殿凡施於祭祀者皆用之
所供不獨袞服凡施於祭祀者皆用之

戊午倉部員外郎議禮局檢討張邦光奏唐開元禮

唐元禮開元二十年撰文多重出如祀五方帝其儀

皆同惟時日幣玉小異案杜佑通典引大唐開元禮古

器曰鑒駕出宮曰奠玉帛曰進熟曰鑒駕還宮皇帝立

春祀青帝於東郊立夏祀赤帝於南郊立季夏土王曰祀

黃帝於南郊立秋祀白帝於西郊立冬祀黑帝於北郊

陳設神位春曰青帝靈威仰夏曰赤帝赤熛怒季夏曰

黃帝含樞紐秋曰青帝靈威仰夏曰赤帝赤熛怒季夏曰

之玉東方以青珪南方以赤璋中央以黑琥西方以騶

各隨方色長丈八尺案前太常因革禮開寶通禮之始循

體至國朝開寶定儀案前太常因革禮開寶通禮之始循
唐舊未暇改作案太常因革禮太常卿漢中郡王瑀與

寶改作起自權制此皆方士繆妄且舜典祀四岳其事
之說請依禮為定詔復依開元禮類者皆曰亦如之
同者但云如岱禮周官祀神元其禮類者皆曰亦如之
未嘗重出乞倣舜典周官類而為一其小異隨事入注
庶幾不致重複從之紀事本末卷

五月

案錢大昕四史劄記

丁卯

降劄

子累

據臣僚

上言

錢

法之幣

案宋史食貨志趙挺之與蔡京議多不合因極言當十錢不便私鑄廣御史沈晦亦曰小錢

便民久矣古者軍興錫賞不繼或以一當百或以一當十此權時之宜豈可於太平無事之日哉通考卷九張商英為相上言當十錢自唐以來為害甚聞於今尤見室礙蓋小平錢出門有限有禁故四方客旅物貨交易得錢者必入中求鹽鈔收買官告度牒而餘錢又流布在街市故官司內外交相利養自當十錢行一夫負

一頂

其當

十錢

官鑄

例重

三錢

案文獻通考卷九

尚書

書

書

書

十錢

每貫重一十斤

錫一斤七兩

用銅九斤七兩

除火耗

一斤五兩

四錢

四錢

四錢

四錢

四錢

每錢重三錢私鑄率皆銀薄沙鐵案通考卷九引蔡條國史

之費鑄一錢凡十得息者一二而贖官吏運銀鑄悉在

外也苟稍加工則費一錢之用始能成一錢而當十錢

者其重三錢加以鑄三錢之費則製作極精人愛重之

然一其是十得息四矣始亦通流又以其精緻既作當十錢

錢既鑄薄且製作粗惡遂以東南盜鑄其私既作當十錢

行使即有虛錢幾及兩倍遂致物價高姦民冒禁公私既作當十錢

受弊首尾十年若不別行措置顯見盜鑄不息為害滋既作當十錢

多其官司見在當十錢寶可自今來指揮到日並作當既作當十錢

三依舊地分行使以為定制雖公私稍有折閱行之既既作當十錢

久物價自平豈不為利紀事本末卷百三十六案宋史

輕錢輕則物重其勢然也今諸路所鑄小平錢行之久

錢無弊多而不壅為利博矣往歲圖利之臣鼓鑄當十

錢苟濟目前不究悠久公私為害用之幾十年其法日

益鑄濫錢益多百物增價若不早除積弊無已則其官

私見在當十錢可並作當三以為定制尚慮豪猾憚於

折閱胥動浮言可內自京尹
外逮監司郡縣悉心開諭

戊辰手詔自我祖宗用十錢爲兩之制法度一定人心
作乎百五十年天下蒙利比者建議之臣不深計利病
輕於變法行之數年錢益輕物益重公私受害不可勝
言朕諮詢羣議博采衆言皆願更改以平物價今朝廷
內外府庫無慮數千萬緡議者或謂折閱數多有虧邦
計朕念爲民父母尙可以救弊便安元元府庫之捐又
何愛焉可自今應公私當十錢並改作當三錢紀事本末
六案當十錢改作當三錢出於張商英建議食貨志載商
英欲借內庫並密院諸司封樁緡絹金銀並鹽鈔下令
折十錢限以半年所在送官十千給銀絹各一匹兩限
竟毋更用俟錢入官擇其惡者鑄小平錢存其好者折
三行用如此則錢法鈔法不相低昂可以復舊時御府
之用日廣東南錢額不敷宣和以後尤甚乃令鑄錢
監鑄小平錢每緡用鐵三兩而倍損其銅稍損其鉛繼
又令江池饒錢監盡以小平錢改鑄當二錢以紓用度

然有司猶
數苦之

卷三十一

王

是月再下通州取陳璘尊堯集送編修政典局

二十九年案確坐子正彙所告失貴安置通州在去年十
一日乙亥初取尊堯集在正月壬辰岳珂程史了翁徒
通州部移文索之以了翁遂以表進乞於御前開拆初
崇甯既建辟雍詔以荆公封舒王配享宣聖廟肇建坐
像了翁憤之併於奏廣寓意其略曰代言之筆盡日其
徒爲儒宗首善之官肇聖其形爲生像禮官舞禮而行
詔吏書獻倭而請觀光平仲尼乃王雱聖父之贊比諸
孔子實卡等輕君之觀情彼衰周之僻王雱聖父之贊
當時不得配太廟之饗後世所以廣上丁之祠今比安
石爲欽王之臣則方神考爲何代之主又況一人幸學
列辟班隨至尊拜伏於鐘前故臣驕倨而坐視百官氣
鬱多士心寒白有華夏以來無此悖倒之禮神考之相
安石始終不遇乎九年安石之屏跡金陵棄置不召者
十載八字威加於鄧館萬幾獨運於元豐豈可於春秋
之時忽崇此不遜之像又曰況臨川之學不以禮儀
爲可行謂天子有北而之儀謂君臣有送賓之禮禮儀
如彼名分苦何此乃衰世侮君之非豈是先王訪道之
法頴川舊學記刊於四紀之前辟水新雍像成於一壻
之手唱如聲召應若響隨其自序則曰愚公老矣益堅
平險之心精衛眇然未捨填波之願歿而後己志不可

論望雖隔於戴盆楚不忘乎馳圓丹誠上格天語近前

夏觀尊主之恭緩議歲時之罪淵冰在念泉礫南逃

六月案錢大昕四史辨乙未臣僚上言略曰以一當十

其為天下之害中外沟沟皆歸罪於獻議之人臣常考

求其原實自許天啟倡之而胡師文和之陝西之銅未

嘗生發天啟妄以坑冶烹采之說取悅大臣穿鑿山谷

斂取器用以資鼓鑄銅尚不納遂乞鑄大錢當十行使

務蓋前愆重幣之害自茲始矣案宋史食貨志蔡京當

紹述肆為紛更許天啟者京之黨也時為陝西轉運使

迎合京意請鑄當十錢文獻通考卷九崇寧二年二月

庚午初八陝西鑄折十銅錢並夾錫錢左僕射蔡京奏

據陝西轉運副使許天啟申送到新鑄銅錢鐵錢樣已

降指西轉運副使許天啟申送到新鑄銅錢鐵錢樣已

貫自來鑄錢張官置吏招刺軍兵所費不少而軍兵之

役最為辛苦官得至薄率三錢得一錢之利蓋是久矣

擊畫台陝西河中府等處民鑄錢最多召募私鑄人

令赴官充鑄錢工匠廣為營屋許其一家之人力鼓鑄

止不必限其出入官給以物料盡其一家之人力鼓鑄

西京台重鑄錢合數

計其工直率十分中支若干分數充其工價又可收私
鑄人在官蓋昔人招天下亡命即山鑄錢之意欲令許
天啟相度疾速準此施行仍與舊來軍工相兼鼓鑄今
來所鑄銅錢除陝西四川河東係鐵錢地分更不得行
使外諸路並準折十行用其錢惟令陝西鐵錢地分鑄
造卻於銅錢地分行使貴絕私鑄之患如有私鑄並以
一文計小錢十科罪又陝西銅錢至重每一錢當銅錢
三或四今夾錫鑄造樣製精好欲一錢當銅錢二支用
合許天啟相度依此施行從之自當十錢行抵冒者多
大觀四年凡以私錢得罪者有司上其名數亡慮十餘
萬是時師文爲發運乘時觀望冀幸進擢請以當二錢
改當十錢設官置監或於東南數路騷然不勝其困重
幣之害自茲廣矣仰賴陛下睿智有臨灼見其弊考物
理參以人情皆願更改平物價於是斷之無疑十年之
害一舉而革此誠社稷之福生靈之幸也然而獻言之
人尙此偃然未加憲典師文官至朝議大夫聯事妄作
詔奉權臣馴至於此皆古所謂民賊者也今旣罪狀顯

著衆皆切齒則其官職豈容叨冒詔胡師文落集賢殿

修撰提舉崇道觀紀事本末卷百三十六案李直十朝綱要師次提舉明道宮天啟鑄兩官

與監常差遣

七月案錢大昕四史朔閏考是月壬戌朔癸酉詔昨更重幣作當三與小

平錢一等行使更無區別屢降詔旨戒飭丁甯務在安

便民庶通行悠久尙慮中外臣寮不體府庫折閱邦計

有虧私相交易買物支給當三賣者須納小平錢懷姦

害法莫此爲甚日後有違重行憲典紀事本末卷百三十六

己卯檢會陝西河東逐路帥臣門客親戚不得隨軍出

入長編卷四百九十九元符元年六月戊子詔陝西河東逐路帥臣及見任宰相執政親戚于編敕合迴

避者除見充帥臣監司知州軍并城寨及兵將官應出

入者除雖有職事不許赴軍前如帥臣親臨許常書寫

違者並以違制論不以赦降去官原注云政和元年七

月十八日檢會案是月王
戊朔十八日乃己卯也

戊子觀文殿學士光祿大夫呂惠卿守本官致仕

卷百三十

八月案錢大昕四史朔閏考是月辛卯朔戊戌中大夫集賢殿修撰陝西

制置解鹽使李百祿為顯謨閣待制以鹽池自生紅鹽

及種鹽年外增及一倍以上故也紀事本末卷百三十五

五月丁亥解池生紅鹽食貨志紅鹽百官皆賀制置解

鹽使李百祿等第賞有差食貨志紅鹽百官皆賀制置解

聖地為畦引池水澆之謂之種鹽永耗則鹽成籍民戶

乃止安邑池每歲種鹽千席解池減二十席

己亥右僕射兼中書侍郎張商英出居城西僧舍御史

臺定奪商英與給事中劉嗣明路天忱案宋史作降官

理曲故也紀事本末卷百三十一案宋史劉嗣明本傳

時鄭居中雖以嫌去樞密然陰植黨與窺伺益固嗣明
與之台計傾商英門下省吏張天忱貶扶嗣明駁弗下
商英爭之召御史臺蔽曲直商英以是罷陳樞通鑑續
編商英為政持平謂蔡京雖明紹述但借以劫制人主
禁錮士大夫耳於是大革弊事改京所鑄當十大錢為
當三以平泉貨復轉般倉以罷直達行鹽鈔法以通商
嚴錫橫斂以寬民力勸帝節華侈息土木抑僥倖帝頗
過則如初時稱商英忠直然意廣才疏凡所當為先於
公座誦言故不便者得預為計初何執中與蔡京同相
凡營立皆預議至是惡商英出己上與鄭居中日夜醢
織其短先使言者論其門下賓客唐庚竄之惠州

辛丑張商英押入紀事本末卷一

己酉張商英又般出城西辛亥又押入紀事本末卷一

御筆水磨茶場課入不羨犯法侵多商賈滯留官司壅

塞上下受弊內外非便其見行茶法仰尚書省措置以

廣課額所有水磨茶法並罷事歸尚書省紀事本末卷一

錢大昕四史朝聞考是月辛卯朔據此是月有己酉無
乙酉原書作乙酉誤下文庚戌尚書省措置茶事此詔

己酉

庚戌尙書省言奉聖旨措置茶事今勘當水磨茶自元豐創制除近畿外卽不曾分下諸路昨緣分配諸路有置官之冗般輦之勞致妨客販收息減少乃至商賈不通內外受弊緣水磨茶先帝建立不可廢罷欲只行於京城與客販兼行餘路並令客人販可以走商賈者實中都惠小民之具下項一京城內以水磨茶官賣其京畿京西京東河北河東淮南荆浙江南福建永興鄜延涇原環慶爲客販南茶地方一客販茶許西至京城水磨茶兼行除京城水磨存留外餘路水磨並罷一在京見置比較鋪並罷

紀事本末卷百三十七原注初草云
一此案宋史食貨志茶法政和元年京城所請商
旅販茶起引定入京住賣者卽許借江入汴如元豐舊

制其借江入汴御指他路住賣者禁已請引者並令赴京二年以課入不登商賈留滯認以其事歸向書省於是向書省言水磨茶自元豐初立止行於近畿昨乃分配諸路以故至弊欲止行於京師仍通行客販餘路水磨並罷從之四年收息四百萬賈有奇比舊三倍遂期月進

乙卯張商英第三次般出先是御史中丞張克公言謹按宰臣張商英資性愷復操行傾邪積念日深老不知悔昨陛下起於罪廢之中付以輔弼之任庶革心從正協濟事功而乃陰懷忿怨長惡不悛近論列給事中劉嗣明繳駁事御史臺定奪得係商英理曲乃妄有奏陳不以本臺所定爲是臺臣論奏乞賜與決照張商英放罪如此商英有罪矣以有罪之人居宰輔之任臣雖至愚未知其可也臣遠考前代近稽本朝宰相稍不稱職往往引咎自責必求去位未有罪狀顯白而包羞忍恥

貪榮冒寵如商英者也又歷數其十罪狀望收還相印

明正典刑紀事本末卷百三十一案李璫十朝綱要卷

當為給事中劉嗣明押帖子取尚書省張希公牘奏戮

天仇一官是日嗣明繳駁不行商英奏嗣明非理沮臣

乞送所司定曲直詔送御史臺定奪奏間己而御史中

政與克公言詔商英罷尚書右僕射除觀文殿大學士知河

南府紀事本末卷百三十一案續宋編年資治通鑑夏

紀事同蓋商英坐路天仇事與劉嗣明計奏理曲張克

公言通鑑英十大罪始致罷用夏四月商英罷商英入用不知

編年通鑑英故侍從臺諫爭設智以陷之會未嘗亦衰言

平心用人故侍從臺諫爭設智以陷之會未嘗亦衰言

者乞逐商英乃除觀文殿大學士知河南府未幾落職

下開封府獄具冬十月盛商英於衡州宣和三年卒於

南京獨年備要夏四月張商英罷大觀間天文屢變上

意恐甚逐蔡京于杭州四方相賀及商英相不知平心

用人故侍從臺諫官爭設智以陷之會上眷亦衰言者

乞逐商英愈急意上必有所主不知商英既去而蔡京復來矣中丞張克公又言商英嘗毀訾先烈比中宮建立陰懷異志又引黨人陳瓘龔夬柳浩之徒使上書且以己意令其臺吏唐庚譏臺諫輩善良縉中書吏罷滯命令納結近臣務使更革以鼓動天下凡數罪而給事中蔡絛亦助克公排之乃除商英觀文殿大學士知河南府尋落職知鄧州

九月辛酉朔

辛酉原本脫朔字李重上朝綱要作九月臣

僚上言伏見張商英以觀文殿大學士知河南府蓋體貌大臣未忍顯斥姑示遠藩之役未忘眷禮之隆然迹其誕慢自恣狠傲弗恭虧事上之忠失爲臣之禮則商英之罪在所不容出守陪京已非其分況復觀文殿大學士之職自兩府以無罪而除乃所當得商英安得有之乎奉聖旨張商英落觀文殿大學士改差知鄧州

紀事本末卷一百三十一

壬申詔通奉大夫知鄧州張商英降授中大夫差遣如

故校書郎李士觀辟雍博士尹天民並送吏部與合入

差遣先是給事中劉嗣明奏商英詐作聖旨擅便降敕

差尹天民李士觀編類御前文字於是商英及士觀天

民皆坐責紀事本末卷百三十一案李直十朝綱要王

典局編類御前申張商英坐擅出敕令校書郎李士觀赴政

辛巳詔陳瓘自謨尊堯集語言無緒並係詆誣合行毀

棄送與張商英意要行用特勒停送台州羈管令本州

當職官常切覺察不得放出州城月具存在申尚書省

紀事本末卷百二十一原注公謫台州朝旨不下司行

移峻急所過川縣皆令兵甲防送不得稽留至台久之

莫敢以居屋借賃者暫館僧舍而郡守以十日之法每

遣廂巡起遣故十日必為之遷一寺時未有郡守通判

朱興宗攝郡事朱與公有先世之契觀望特甚人為公

不平公處之淡然不以介意公到台數月朝廷起遷人

石城知州事二十五日城知台州且令赴闕之官士論
海內咸謂將有處分于公也城至果揚言博公視事次
日即遣兵官突來約束不得令出入取責鄰人防守狀
又置選卒數舖前後巡察鈔錄賓客書問之往還者雖
親戚家書殆至隔絕未幾復令兵官突入所居搜檢行
李攝公至邵庭垂簾如制獄狀其責祇是朝旨取索公
尊堯集副本城于旨外施行意迫脅繼又出公于僧
舍使堯集副本城于旨外施行意迫脅繼又出公于僧
測公誓以死報國而義不為辱百端人情憂怖慮有
城亦不敢撓犯技術發窮終不能為公害公謫台州於
法合進表謝台州不為發窮終不能為公害公謫台州於
勢甚異料其必受蔡蕤風旨意在得其所秘書必將搜
索及行李于是為封事繳連謝表封緘于篋題以臣名
械至果如所料而以緘題之故不敢輒開遂以奏御蕤
與何執中皆怒之未幾罷城之故不敢輒開遂以奏御蕤
或問公何以審其如此公曰吾與蕤初無他故蕤懷遺
書之愧而其黨未行也必知此公曰吾與蕤初無他故蕤懷遺
則脅使之術不黨未行也必知此公曰吾與蕤初無他故蕤懷遺
公見州庭獄具羅列知石城攝公至邵也欲以刑獄怖公
旨耶城非所料失措而應曰有向書符劄今日之事豈被
公離子所行蓋取尊堯集副本有向書符劄今日之事豈被
徽毀棄也公曰然則指堯集取尊堯集所以立名耳迨某
何為因問之曰君知尊堯集所以立名耳迨某以至此復欲
堯而以主上為舜也助尊堯集所以立名耳迨某以至此復欲

短名分之義未甚講求故爲人所切使請治尊堯之罪
將以結黨固寵也君所得于彼者幾何乃亦不與公議
干犯名分乎請具申某此語某將顯就誅發不必引其
獄相恐愾不待公言畢屢揖公退尋語人曰不敢引其
說尚自如此良可畏也雖表及封事具十二月十七日
案續宋編年資治通鑑再覽陳雖先具是王安石書著日
錄八十卷確初謂安石此書詆譏之罪歸於廟及確貶廉州乃
善合浦尊堯集以日錄詆譏之罪歸於廟及確貶廉州乃
明尊堯集痛絕王氏以發揚熙寧用舍宰臣本末之緒
而自明區區改過之心書成藏於家至是何執中請治
尊堯集詆譏罪勒停台州羈管尋移楚州岳珂程史卷
十三了翁至天台謝辭曰知詆譏之不可志在尊堯豈
行用之敢私心惟助舜語言無緒議論至迂獨歸美於
先猷遂大違於國是不行毀棄有誤咨詢虛消十載之
光陰靡恤一門之溝壑采煩揆路特建刑章若非蒙
底于九重安得延齡于再造其凜凜兀屈盡如此
是月臺諫劾起居舍人章綽謂其偕起居郎王孝迪訪
張商英有鹿死誰手之語詔下孝迪供析孝迪奏臣契
勘八月中綽嘗謂臣欲同去見宰執如何臣曰老兄請
假往蘇州不欲獨見執政今日同往甚好遂同到知樞

密院吳居厚客位內管句賓客人云知院不見客臨上
馬時拉臣同往見張商英臣曰正吵鬧著甚來由諒曰
去來去來未知鹿死誰手臣見其語言狂悖乖繆不勝
憤懣

居厚愧邪
錄卷九

續宋編年資治通鑑秋九月鄭允中童貫使遼蔡京
在杭州聞貫出使丞附奏貫威名既傳宜深藏之使
莫測可也奈何違遣出疆上報京曰虜主欲識其面
出達謁之才不亦可乎貫至虜庭其君臣相聚指笑曰
南朝人才如此歸至盧溝河有燕人馬植得罪於燕
無所容遂見貫陳滅燕之策因攜歸改姓李名良嗣
薦于上遂賜姓趙復燕之議始於此案東都事略在
戊寅十朝綱要辛巳十朝綱要云辛巳童貫副學
士提舉聖觀鄭允中充遼國生辰使以童貫副之
貫至虜庭君臣相聚指笑曰南朝之勳庸蓋河北發
夫來使何也貫還併與燕人馬植來歸改姓名曰李
良嗣又妄謂虜主盛稱蔡京之勳庸蓋河北發端
于此九朝綱要云貫既得志于西邊遂謂北邊
亦可圖舊自請規虜又託虜使蕭志忠言虜主欲識
其面上信以節度使副之皆非故事也蔡京時在杭
州

聞貫出使亟附奏曰貫前克敵藉成算耳貫威名既
傳宜深藏之使莫測可也奈何遽遣出疆上報京日
虜主欲此彼既來要我因遂覘之不亦可乎貫既至
虜廷其君臣相聚玩笑曰南朝人十如此然虜主方
肆縱貪得中國玉帛玩好而貫所責皆為珍奇所以
遣賁育亦稱是蓋互相諉向富侈而已貫使歸至陳
溝河有燕人馬植者得罪于燕無所容遂見貫亟上
有減燕之策貫奇之因攜歸改姓李名良歸薦于上
遂賜姓趙後遼人數移檄索之貫諱不與復燕之議
始此徐夢莘三朝北盟會編政和元年朝廷差童貫
副鄭允中奉使遼人有馬植者潛見童貫於智數見
京產陰人涉獵書傳有口才能文辭長契丹必亡陰
謀歸漢說貫以邊事是時貫奉密旨覘其國於是約
其來歸植數上書奏上喜賜姓趙名良嗣蔡京童貫
力主之以圖取燕燕辭應旂宋元通鑑童貫以遼人
良嗣來初燕人童貫使遼道盧溝植至光祿卿行汚而
內亂不倚於人童貫見貫與帝大奇之見其侍史白
言有滅燕之策因得見貫貫與帝大奇之見其侍史白
易姓名曰李良嗣薦諸朝植即獻策曰女真恨遼人
切骨而天祚荒瀆失道本朝若自登萊涉海結好女
真與之相約攻遼其國可圖也議者謂祖宗以來雖
有此道以其地接諸蕃禁商賈勿船不得行百有餘

年矣一旦歿之懼非中國之利不聽帝召問之植對曰遼國必亡陛下念舊民遭塗炭之苦復中國待首之疆代天譴責以治代嘉納之賜姓趙氏以爲認書一女眞得志不伴矣帝承

十月庚寅朔案原本脫朔字據錢觀文殿學士光祿大

夫致仕呂惠卿卒贈開府儀同三司紀事本末

辛亥中大夫知鄧州張商英責授崇信軍節度副使衛

州安置昭化軍節度副使單州安置郭天信責授昭化

軍節度行軍司馬新州安置以開封獄成商英天信嘗

令余負僧德洪彭几往來交結臣僚再論列故有是責

紀事本末卷百三十一案李重十朝綱要辛巳降武安

軍節度使郭天信爲教官安置單州天信本使術人曾

密曰上當有天下上即位資之使觀隨龍人恩數深州

郭天信余負追奪所贈官編管郴州坐張商英事上既責

來交結天信事實辛亥責商英散官安置衡州郭天信

實案台監是屬合前卷三十一

授散官安新州余負配沙門島德興杖脊配朱崖軍
 庫部員外郎趙陽除名編管道州倉部員外郎范致明
 勒停餘人連坐論罪有差前同知樞密院事王襄前禮
 部尚書吳執中龍圖閣直學士范鎰范致虛等八人並
 坐商英黨落職宮觀編年備要初商英有時望而武安
 軍節度使郭天信于上前稱道之商英亦欲借助遂相
 結納使將仕郎余負及僧德洪達其語言時商英稍藉
 抑定寺間言浸入蔡京之黨乘之上意于商英浸衰因
 論商英與天信交通入蔡京之黨乘之上意于商英浸衰因
 於內俸上旨動息以報乃從外廷決之莫不意商英
 既罷鄒居中等惡商英請推究之張克公亦亟論商英
 與天信交通狀事下開封獄具商英衡州安置天信貶
 新州負惠洪
 等皆遠配

壬子錢長編卷五百十六元符二年閏九月癸酉三省言
 月二十三日壬子

可考案原文已佚
 十一月閏考錢大昕四史朔
 丙子臣寮言竊見邇英講經

皆并注入點釋因襲之久未及是正欲乞自今只點正
 經其音釋意義並以王安石等所進經義為準從之事紀

經其音釋意義並以王安石等所進經義為準從之事紀

乙酉京畿提舉學事林震乞自今應以八行延入縣學

者並依州學外舍生例給食從之

紀事本末卷百二十六

十二月

案錢大昕四史朔閏考是月己丑朔

乙卯臣寮上言陳瓘所譏尊

堯集十卷大綱取日錄之事解釋成文有論及王安石

事臣雖不見尊堯全文但瓘建中靖國間嘗以安石日

錄爲不然昨來大臣領政典局知瓘素有異論欲助成

非謀故下瓘家取索欲望聖慈特降睿旨嚴賜禁約更

不得傳習如有已曾傳錄之家並乞立限繳納仍乞下

瓘家取索藥本一切焚毀詔依奏其尊堯集仍令知台

州石械於陳瓘衡州於張商英處取及元降付張商英

御批眞本並繳速聞奏

紀事本末卷百二十九案李朝綱要作乙巳詔知台州石

誠于陳雅處取尊堯集又詔衡州
于張商英處取元降御批真本

續資治通鑑長編拾補卷三十

錢塘濮子潼輯注

續資治通鑑長編拾補卷三十一

徽宗

政和二年正月

案錢大昕四史朔閏考是月己未朔

癸未詔釋教修懺水

陸及祈禳道場輒將道教神位相參者僧尼以違制論

主首知而不舉與同罪著爲令

紀事本末卷百二十七案李重十朝綱要大觀

元年正月丁巳禁道士齋醮不得做僧徒鼓擊鐃鈹二月戊戌詔內外佛寺尚有以道像侍立者並迎歸道觀不可遷則除之

二月戊子朔詔太子太師致仕蔡京兩居上宰輔政八

年首建紹述勤勞百爲除秩居外薦厯歲時況元豐侍

從被遇神宗者今則無幾而又累經恩需理宜優異可

特復蔡京太師仍舊楚國公致仕於在京賜第居住事

本末卷百三十一案續宋編年資治通鑑二年春二月蔡京復太師賜第京師十朝綱要同

資治通鑑長編卷三十一

資治通鑑長編卷三十一

一

甲寅議禮局言乞耕藉禮畢還宮依養老例奏樂從之

紀事本末卷百三十三

三月案錢大昕四史朔乙亥詔太師致仕蔡京到闕令

二十五日朝見引對拜數特依元豐中文彥博例仍擇

日垂拱殿賜宴許依舊服玉帶佩金魚賜對見例物遇

六參日趨赴起居在大班退親王後入紀事本末卷百

三十六案李璣十朝綱要三月壬午蔡京入見畢沅通鑑乙亥詔蔡京到闕朝見引對數特依元豐中文彥博

例許依舊服玉帶遇六參日趨赴起居在大班退親王後入

辛巳長編卷五百十六元符二年閏九月癸酉三省言錢輕物重差陸思闕措置原注云政和二年三月

十一日辛巳可考案原文已佚

甲申議禮局言北齊隋耕藉皆備法駕唐開元及本朝端拱明道皆備大駕鹵簿今不親享先農止行耕藉之

禮其端拱明道命五使稱賀賜赦之類更不施行乞止

用法駕從之紀事本末卷百三十三宋史儀衛志兩

日法駕方澤明堂宗廟藉田用之

丙戌詔自去年至今外路百姓不輟經尙書省陳乞依

昨來已方過田輸納稅賦有以見方田之法百姓安便

可先將未降大觀四年五月十一日指揮已前已經方

量了處並依已方施行其未經方處依大觀元年二月

二十二日御筆手詔施行紀事本末卷百三十八原注

檢會三月二十九日聖旨今到取附見更須考詳詔旨

政和二年五月二十五日京西北路提舉常平司奏準

較節文奉詔應方田已經方量未畢去處合先次結絕

其餘州縣並別聽指揮本司契勘本路大觀三年方田

蔡州新蔡汝州並各地方量周通除西京偃師陳州西華

依已方施行外有西京伊陽汝州襄城河陽王屋鄭州

原武新鄭等五縣雖有方量緣均稅未了及西京等六

縣合與已方施行

卷三十一

州府河南等十八縣係未經方處與大觀元年事類同
未審台與不合依大觀元年帳分先次結絕其造帳未齊
此朝旨未見將已造方田帳分先次結絕其造帳未齊
去處候農隙造訖均稅所有未經方量去處亦未審合
與不合依大觀元年帳分先次結絕其造帳未齊
未見合將來大觀元年帳分先次結絕其造帳未齊
取自朝廷指來大觀元年帳分先次結絕其造帳未齊
日聖旨疑有脫文或是此節文大觀元年二月二十二
日復行文方田大觀四年五月十五日無罷方田指擇
方田文五月十四日稱五月十五日無罷方田指擇
月十一日又四月七日詔旨稱五月十五日無罷方田指擇
都事略本紀正月癸卯詔曰古者井田並只納舊稅案東
足神考方天正之田以正經界庶乎復古矣今續而成
之以紹先烈大焉其復方田十年正月二十二
月己卯詔復方田四年五月己酉罷方田十一月
丁卯罷天下方田行政和二年三月己卯復方田十一月
通考大觀元年復方田行政和二年三月己卯復方田十一月
經方田而高下方失舊見有陳訴未去歲諸路災傷應已
其賦稅依未食之時舊則輸納又詔方田人吏非特妄增
田稅又兼不食之山而方田之俾出芻草之直民戶因此
廢業失所監司其推原本
制悉加改正毋失其舊
百餘人及第出身有差案本紀三月己巳御集賢殿

策進士已卯賜禮部奏名進士及第出身七百十三

人十朝綱要己卯罷賜進士及第莫儔等詩改賜

云編年備要初御史李章言作詩害經術詩改賜

李杜皆遺詔誤初御史李章言作詩害經術詩改賜

人習詩賦至是故賜殿未幾知樞密院吳居厚請禁

筵進詩改為口號後聖作屢出士大夫不復守禁矣

四月案錢大昕四史朔甲午燕宰執親王於太清樓上

親為之記原注其略見御製蔡京上記曰政和二年三

月八日皇帝制詔臣京有過省愆復官就第命四方館

使榮州防禦使童師敏賚詔召赴闕臣京頓首辭繼被

御劄手詔十責以大義惶恐上道於是飲至于郊曲宴

於垂拱殿被袂於西池龍頒恩渥念無以稱上曰朕考

周宣王之詩吉甫燕喜既多受祉來歸自鎬我行永久

飲御諸友炮鱉膾鯉其可不如古乎詔以是月八日開

後苑宴太清樓命內館客省使保大軍節度觀察留後

趙鼎監宴

帶御器械臣賈詳等五人總領其事

資治通鑑四月燕蔡京內苑李直十朝綱要甲午燕召

款親王之於太清樓上親為之記通鑑綱要甲午燕召

帝宴之於內苑太清樓京為燕蔡京內苑召

與焉內侍五入領其事藏上親為之記略曰詔有司

期苑太清樓內府所藏上親為之記略曰詔有司

勸上又出演女鼓琴玩舞勸以此疏瑯瑤至宣和令于

亦觀焉東入小花徑南度碧蓋叢又東入便門至宣和

陳只三檣左右掖亦三閣中置圖書東便門至宣和

為山峯巒閣有泉出石竇注于沼此有御札靜字榜

間以洗心滌慮西曰凝芳後曰積翠南曰環林北有祠

沼曰環碧兩旁有亭曰臨漪華清沼次有琳霄重雲

閣曰太清左右道以登中道有亭曰琳霄重雲

閣曰太清左右道以登中道有亭曰琳霄重雲

閣曰太清左右道以登中道有亭曰琳霄重雲

閣曰太清左右道以登中道有亭曰琳霄重雲

閣曰太清左右道以登中道有亭曰琳霄重雲

閣曰太清左右道以登中道有亭曰琳霄重雲

閣曰太清左右道以登中道有亭曰琳霄重雲

閣曰太清左右道以登中道有亭曰琳霄重雲

閣曰太清左右道以登中道有亭曰琳霄重雲

以次立侍無故辭行失次者上願請羣臣承平無事召
臣同樂宜路去苛禮飲食坐起當自便無間執事者以
寶器進上酌酒以賜命皇子嘉王楷宣勅又以惠山泉
建溪異豪或烹新貢太平嘉瑞茶飲之上口日未滿可
令奏樂殿上笙竿琵琶瑟箏篪方響箏簫登陸合奏宮妓
妙舞上又曰可起觀郡臣凭欄以觀又命宮妓撫琴學
阮已而擊臣皆盡醉

庚戌朝奉郎許尙志言朝以新禮書頒降 四方乞各

擇官兼掌禮事以上之德意志慮達於民而察其違犯

者詔曰禮以親上下定民志神考成訓具在典冊道無

廢興洪之在人官舉其職事乃無廢顧方討論以紹先

烈可依尙志所奏令議禮局候五禮儀注成采酌條具

取旨

紀事本末卷百三十三

壬子蔡京乞令張商英任都堂治事每日赴朝參退至

都堂聚議於中書省前廳直舍治事畢直卽以尙書令

廳爲治所仍押敕劄（案東都事畧政和二年京復太師召還

而前宰臣張商英尙遠遠方臣與商英神宗朝同責授

崇信軍節度副使衡州安置張商英放令任便居住太

師致仕楚國公蔡京言臣自去朝班言多可畏伏聞前

宰相張商英訛毀尤甚蓋緣臣罪大德輶所以致此今

日特蒙恩貸召還闕庭庇同天地而商英譴責遠方雖

其所犯醜惡而臣與之同遇先出入三朝薄有情契拳

拳之私敢以此請故有是命（紀事本末卷百三十一案宋史商英本傳商英貶崇

信軍節度副使衡安置京遂復用未幾

乙卯手詔賜蔡京曰臨平置塔初因錢氏（案名爲祝聖而修塔以壯

臨平之田張克公尊相名寺起於治平匪緣近年創有

增建蔡京忠貫金石志安社稷八年輔政一德不渝羣

論京語也見本傳

邪醜正意在中傷肆為無根之談冀陷不測之禍比從
閱實灼見厚誣惟大臣立朝誼當自信而哲士圖任何
畏巧言顧子心之直孚豈眾言之足慮肆加開諭毋或
介懷紀事本末卷一百三十一

續宋編年資治通鑑禁史學案原係此千十一月據
李重十朝綱要四月戊戌以監察御史李彥章言詔
士無得兼習史學五月戊寅詔勿行今移附此吳自
能改齊漫錄先是崇甯以來事意王氏之學非三經
字說不用至政和之初公議不以為是蔡絛蔡絛容彥
達宇文粹中張琮列奏欲望今復時務策並隨事參
以漢唐歷代事實為問奉御筆經以載道史以紀事
本末該貫乃稱通儒可依所奏今復時務策問並參
以歷代事實權殿中侍御史李彥章言夫詩書禮周禮三
察御史兼權殿中侍御史李彥章言夫詩書禮周禮三
代之故而史載秦漢隋唐之事者流俗之學也今近臣
之學也習素漢堯舜之道而建漢唐之學也今近臣
思之論不陳堯舜之道而建漢唐之學也今近臣
而使習流俗之學可乎伏望罷前口之詔使士專
於先王之學而不流於世俗之習乃為通儒今兩思之
經以載道史以紀事本末該貫乃為通儒今兩思之

紀事之文士所當學非上之所以教也況詩賦之家	皆在乎史今罷黜詩賦而使士兼習則士不得事心	先王之學流于俗好恐非先帝經術造士之意可依	前奏前降指揮更不施行時政和元年三月戊戌日	也薛應旂宋元通鑑係此于	二年四月辛卯復行方田下	反罷官田案政和罷官田事本紀食貨志皆不	我十朝綱要四月癸卯御筆能出賣係官田宅九朝	編年備要四月罷官田范坦尋坐獻官田之策	安其詞以備參考文獻通考元年八月政和元年八月	以用度艱窘命官鬻官田運副張根建言田既一歲失折上供	無慮二十餘萬斛然遂止不賣八月詔乃者有司建	供朝廷深察所以然遂止不賣八月詔乃者有司建	明盡鬻係官田宅苟目前之利廢久長之策其總領	措置官並罷已賣田宅給還元直仍拘入官如舍屋	已經改更但課虧租額者與免仍舊修蓋官	田已嘗為藝據合用畝步約價者與免遷移	五月 <small>案錢大昕四史朔己巳朝請郎知永嘉縣虞防言</small>	朝廷昨行當十錢最富國便民之良法也所貴乎推行	之得人而已前日異議之人務快一時之私上欺天聽
----------------------	----------------------	----------------------	----------------------	-------------	-------------	--------------------	----------------------	--------------------	-----------------------	--------------------------	----------------------	----------------------	----------------------	----------------------	-------------------	-------------------	---------------------------------------	-----------------------	-----------------------

改爲當三亦誤國之一也欲望特許興復以便上下詔

虞防除名勒停送循州編管紀事本末卷百三十六

壬申臣僚上言參以科舉廢罷縣學歲升之法非便宋

史遷舉志崇南元年宰臣請天下州縣並置學州置教

授二員縣亦置小學縣學生選考升諸州學州學生每

三年貢太學至則附試別立號考分三等入上等補上

舍入中等補下等上舍入下等補內舍餘居外舍諸州

軍解額各以三詔自今並依大觀三年四月以前指揮

分之一充貢士其後降指揮更不施行紀事本末卷百二十六

字詳其文義似言參行科舉必致廢罷縣學歲升之法

於崇寧初議不使考科舉議罷非一日矣於王申與此同日文獻通考卷三十一

下取士悉由學校升貢其州郡發解及試禮部法並罷

五年又詔大比更參用科舉舉士一次所謂參以科舉

癸未蔡京言門下省乃覆駁之地臣乃兼而冒處實有

此即
卷三十一
六

妨嫌委素官制望許臣免書門下省文字從之紀事本末卷百

三十

續宋編年資治通鑑五月利州路轉運副使張臣獻
美餘三十萬緡為言者所論尋除名竄池州園李直
罷之除名編管池州在十一月十二日
又罷科舉案十朝綱要五月王申罷科舉文獻通考
卷三十一崇甯三年詔神考議以三舍取士而罷州
郡科舉其法行於畿甸而未及郡國驛朕纂國制詔
有司講議其方書來上悉推行之設辟雍於國郊以
待士之升貢者又與臨幸加恩博士弟子有差朕勤
勵學者至矣然州郡猶以科舉取士不專於學校其
詔將來科舉取士悉由學校升貢其州郡發解及試
禮部法並罷四年詔將來學校升貢其州郡發解及試
次時州縣悉行三舍法士之在學者積歲月累試乃
得應格其不能解身試補者僅可從依額應科舉不
得如在籍者三舍解試兼與而兩得其貧且老者尤
甚病之貧故詔書其法曰利貴不利賤利少不利老利
富不利貧故詔書其法曰利貴不利賤利少不利老利
以審詳蓋至是始罷科舉云

六月閏錢大昕四史朔甲寅降授太子少保致仕蔡京

復太子少師依前楚國公致仕紀事本末卷百三十一

詔旨具載制詞乃宇文粹中所草其末云蕩垢除穢既

曲全於體貌率德改行宜益助於厥為政抑二年七月

十九日可考八月十一日又復太子太師案宋史本紀

二年五月己巳蔡京落致仕三日一至都堂議事陳經

續鑑五月詔太師蔡京落致仕三日一至都堂議事陳經

忠言者議己乃作御筆密進而正帝親書以行至有不

筆手詔違者以違制坐之由是貴戚近臣爭相請求至

類帝書者羣下亦莫敢言由是貴戚近臣爭相請求至

使中人楊球代書號曰書楊京復病之而

亦不能止矣又案七月十九日原文已佚

八月案錢大昕四史胡閏考是乙未太子少師致仕蔡

京為太子太師依舊致仕紀事本末卷

壬寅詔京西河北路監司應己方田並選官前去體量

有無違法不均不實出稅有無偏輕如不曾方量處且

令依舊出稅別選他州縣官互行差委前去重行方量

即不得差本州縣寄居待闕等官所委官仰先習熟法

內行遣次節選差非本州縣吏人前去盡公施行如違
以違制論即因而受財乞取以自盜論賊輕吏人公人並配

二千里紀事本末卷

（續）宋編年資治通鑑秋八月焚元祐制詞（案）九朝編年備要作七月十朝綱要繫此於八月庚戌更定某

下法

九月（案）錢大昕四史朔閏考是月乙卯朔辛酉詔應方田路分見有人戶

論訴不均者並依京西路八月十八日已降指揮施行

其有人戶論訴合重方並未方路分合差一行方量官

吏均稅甲頭等並差本州縣人前去盡公施行如違並

以違制論即因而受財乞取以自盜論賊輕吏人公人

並配二千里仍先次施行紀事本末卷

癸未詔曰朕所與其天下之政者惟二三執政之臣而

官稱之名位序之實未足以垂示萬世者我神考訓迪

厥官有司不能奉承仰維前代而僕臣之賤充宰相之

任六卿之職為三公之官有志改為或未遑暇朕適追

來孝若昔大猷稽三代公孤之名考左輔右弼之號是

正名實惟古之師分職率屬期于治官不必備而惟

其人祇於新書克謹厥服同底於道以成烈考之志豈

不韙與案宋史職官志一蔡京率意自用徵尹更置官名

府分六曹縣分六案內侍省職悉倣機廷之號修六尚

局建三衛郎遂詔太師太保古三公之官今為三

師古無此稱合依三代為三公為真相之任司徒司空

周六卿之官大尉秦主兵之任皆非三公並宜罷仍立

三孤為次相之任更侍中為左輔中書令為右弼尚書

左僕射為太宰兼門下侍郎為右僕射為少宰兼中書侍
郎罷尚書合而以太尉冠武階然時員既濫冗名且
案雜甚著走馬承受升擢使節黃冠道遠亦濫朝品元
豐之制至公少若除三公即為宰相合不帶太宰少宰
此大壞

賈文台重慶縣合肅
卷三十一
一

左輔右弼之任三少特進以下卽帶太宰等官稱治省
事三公新官太師舊官太師太傅舊官太傅太保舊官
太保此古三公之官爲宰相之任今爲三師古無三師
之稱合依三代爲三公論道經邦變理陰陽官不必備
惟其人爲真相之任三少新官少師舊官太尉少傅舊
官司徒少保舊官司空太尉以下舊爲三公緣司徒司
空周六卿之官非三公之任乃今之六曹尙書是也太
尉秦官居主兵之任亦非三公太尉司徒司空合罷並
依周制立三孤之官乃次輔之位三孤賁公洪化寅亮
天地或稱爲三少爲次相之任尙書省令太宗皇帝曾
任今宰相之官已多不須置新官太宰舊官左僕射新
官少宰舊官右僕射門下省新官左輔舊官侍中中書

省新官右弼舊官中書令原注實錄有此但略加刪潤

唐太宗也當時有失稽考今但存本太師太傅亦同此誤

三條國史後補官制國朝沿唐故事太師太傅亦同此誤

省長官同中書門下平章事為宰相元豐中初行皆

如故蜀改平章事為尚書左右僕射至政和初周官

三少蓋以古謂太師太傅太保為三公僕射少保為

書合開國初太宗皇帝嘗為左輔右弼雖易名為故事則

始有除授者中書左右僕射則改為太宰少宰又復存太

尉乃微秦漢以至左右僕射其恩禮儀物咸視執政蓋特

之制武臣為官稱而已乃職任為官不禮儀物咸視執政蓋特

三省事宰相未嘗不兼領但若不若今制以三公兼領三省事

下兼官長矣時魯公懼權重固辭且巧免書門下省不

以可免書門下省不聽魯公曰今獨臣免書而己其制固

存乃從之始不聽魯公曰今獨臣免書而己其制固

而致仕乃改太師直以尚書令代為三公蓋塞復相之

路而使之不又詔曰在昔神考董政治官肇文階以祿多

敢拜焉

士職聯合治各有等差名實既實以克用又而武選官
稱循治末世有志未就以迄於今述而後明靡敢怠廢
朕夙夜惟念易而新之訓迪厥官自我作古夫名不正
則言不順言不順則事不成凡爾有官尙謹乃止欽我
成憲其爾之休所有武階磨勘遷改請給奏蔭等凡厥
恩數悉如舊章咨爾有眾其祇新書無忽正任節度觀
察留後觀察使防禦使團練使刺史右六階仍舊不帶
持節等橫行新官通侍大夫舊官內客省使正侍大夫
舊官延福宮使中侍大夫舊官景福殿使中亮大夫舊
官客省使中衛大夫舊官引進使拱衛大夫舊官四方
館使左武大夫舊官東上閤門使右武大夫舊官西上
閤門使中亮郎舊官引進副使

案宋史官志政和寄錄
格中亮郎舊官客省副

使

中衛郎舊官引進副使左武郎舊官東上閣門副使

右武郎舊官西上閣門副使右一十二階大夫帶遙郡

仍舊內通事舍人閣門祇候看班祇候仍舊皇城使以

下新官武功大夫舊官皇城使武德大夫舊官宮苑使

左右騏驎使內藏庫使武顯大夫舊官左藏庫使東作

坊使西作坊使武節大夫舊官莊宅使六宅使文思使

武略大夫舊官內苑使洛苑使如京使崇儀使武經大

夫舊官西京左藏庫使武義大夫舊官西京作坊使東

西染院使禮賓使武翼大夫舊官供備庫使右八階帶

遙郡仍舊皇城副使以下新官武功郎舊官皇城副使

武德郎舊官宮苑副使左右騏驎副使內藏庫使使武

顯郎舊官左藏庫副使東作坊副使西作坊副使武節

郎舊官莊宅副使六宅副使文思副使武略郎舊官內苑副使洛苑副使如京副使崇義副使武經郎舊官西京左藏庫副使武義郎舊官西京作坊副使東染西染院副使禮賓副使武翼郎舊官供備庫副使右八階內殿承制以下小使臣新官敦武郎舊官內殿承制修武郎舊官內殿崇班從義郎舊官東頭供奉官秉義郎舊官西頭供奉官忠訓郎舊官左侍禁忠翊郎舊官右侍禁成忠郎舊官左班殿直保義郎舊官右班殿直承節郎舊官三班奉職承信郎舊官三班借職進武校尉舊官三班差使進義校尉舊官三班借差右十二階入內內侍省兩省新官供奉官舊官內東頭供奉官左侍禁舊官內西頭供奉官右侍禁舊官殿頭左班殿直舊官

高品右班殿直舊官高班黃門仍舊祇候侍禁舊官祇
候殿頭祇候殿直舊官祇候高品祇候黃門舊官祇候
高班內品內品仍舊內品祇候內品仍舊祇候內品貼
祇候內品仍舊貼祇候內品右一十二階八階改四階
仍舊案宋史官志元豐官制定有請併易內侍官名者
神宗曰祖宗為此名有深義豈可輕議政和二年
始遂改焉凡大將等新官進武副尉舊官大將進義副
尉舊官正名將軍守闕副尉舊官進義守闕將軍右三
階殿侍新官下班祇應差在京宗室外州軍祇應稱殿
侍非是除東西班應奉人依舊外餘改作下班祇應南
班環衛官諸衛大將軍諸衛將軍率府率府副率別
無職領不礙官制合仍舊衛官各有三等上將軍大將
軍將軍共四十八階左右金吾衛左右驍衛左右武衛

左右屯衛左右領軍衛左右監門衛左右千牛衛左右

衛合依舊(案)宋史官志左右衛之下率府率府副率五等

十階左右衛司禦率府率左右清道監門內率府率左

右衛司禦清道率府副率左右監門率府副率左右內

率府副率合仍舊(案)宋史官志左右衛率府率副率左右

副率左右內率府率副率醫職新官和安大夫成和大

夫(案)宋史官志成成安大夫成全大夫舊官軍器庫使

保和大夫舊官西綾錦使保安大夫舊官權易使翰林

良醫舊官翰林醫官使和安郎成和郎成安郎成全郎

舊官軍器庫副使保和郎舊官西綾錦副使保安郎舊

官權易副使翰林醫正舊官翰林醫官副使令吏部依

此頒行(原注)朱勝非云元豐議官制殿帥張誠一有省

數言事內出誠一劄目送局請改內侍官名局

官蘇頌蔡京王震陳瓘同奏事進呈神宗願觀左右曰
此無內臣祖宗為此名蓋有深意豈可輕議取剖子入
御袖至崇甯初蔡京相繼命下文武俱稱耶大夫內侍
鄭居中執政議武選其後命下文武俱稱耶大夫內侍
預焉自是押班都知殿頭內養等各一切革去之詔節
蓋京與居中皆結閣等以進故與之為地如此

度使以下更不帶持節等只稱某軍節度使之類其通

侍正侍中侍大夫三階內外通轉所理磨勘並依橫行

舊例又詔通侍正侍中侍大夫請授並依元舊官則例

支破又詔新定三公輔弼并武選等官名自來年正月

一日奉行尙書省言檢會政和三年六月八日朝旨吏

部與重修敕令所同其謂究到分曹建掾指揮令尙書

省別行措置云云今契勘昨吏部與敕令所講定到諸

州六曹參軍置員多寡不稱立定左右治獄參軍名稱

非古又六曹參軍外史依開封置散參軍員額混淆無

別按古有六曹掾名可依舊復置庶官稱不雜分職聯
治各有分守今擬州府分曹建掾格目如後三京河南
府舊一十一員大名府舊九員應天府舊十員今置一
十五員司錄參軍一員差承務郎以上通判次簽判曹
官掾官士曹參軍一員士曹掾一員戶曹參軍一員戶
曹掾一員儀曹參軍一員儀曹掾一員兵曹參軍一員
兵曹掾一員刑曹參軍一員刑曹掾一員工曹參軍二
員分左右管推勘公事工曹掾一員並差承務郎以上
簽判次知縣一員兼管檢法議刑並差職官次令錄次
判司大藩五十二處並繁難舊九員共四處今置一十
三員司錄參軍一員差承務郎以上簽判次知縣曹官
士曹參軍一員戶曹參軍一員儀曹參軍一員兵曹參

軍一員刑曹參軍一員工曹參軍一員並差承務郎以上簽判次知縣次監當如使闕限滿過一月無人就卽差職官掾官士曹掾一員兼儀曹戶曹掾一員兵曹掾一員兼工曹刑曹掾二員分左右管推勘公事一員兼管檢法議刑差判司舊七員八員共四十六處今置十員司錄參軍一員差承務郎以上簽判次知縣曹官士曹參軍一員士曹掾一員兼戶曹管左推勘公事戶曹參軍一員戶曹掾一員儀曹參軍一員儀曹掾一員兼兵曹管右推勘公事兵曹參軍一員刑曹參軍一員刑曹掾一員兼工曹兼管檢法議刑並差承務郎以上簽判次知縣次監當如使闕限滿過一月無人就卽差職官餘州二百六十處舊七員八員事繁共一十三處今

置一十員司錄參軍一員差承務郎以上簽判次知縣
次經任監當曹官士曹參軍一員士曹掾一員兼戶曹
戶曹參軍一員管左推勘公事儀曹參軍一員儀曹掾
一員兼兵曹兵曹參軍一員管右推勘公事刑曹參軍
一員刑曹掾一員兼工曹工曹參軍一員管檢法議刑
並差職官次錄參次判司七員事簡六員事繁其四十
處今置九員司錄參軍一員差承務郎以上簽判次知
縣次經任監當人曹官掾官士曹參軍一員士曹掾一
員兼戶儀曹戶曹參軍一員管左推勘公事儀曹參軍
一員兵曹掾一員兼管刑曹兵曹參軍一員管右推勘
公事刑曹參軍一員並差判司兼檢法議刑工曹參軍
一員並差職官次令錄次判司舊六員事簡共四十處

今置七員司錄參軍一員差承務郎以上簽判次知縣
次經任監當人曹官掾官士曹參軍一員戶曹參軍一
員儀曹參軍一員兼管左推勘公事兵曹參軍一員刑
曹參軍一員兼管檢法議刑工曹參軍一員兼管右推
勘公事並差職官次令錄次判司舊五員事簡共五十
二處今置六員司錄參軍一員差承務郎以上簽判次
知縣次經任監當曹官掾官士曹參軍一員兼管左推
勘公事戶曹參軍一員儀曹參軍一員刑曹參軍一員
兼管檢法議刑工曹參軍一員兼管右推勘公事並差
職官次令錄次判司舊四員事簡共四十九處今置五
員司錄參軍一員差承務郎以上簽判次知縣次經任
監當曹官士曹參軍一員兼儀曹管左推勘公事戶曹

參軍一員兵曹參軍一員兼工曹管右推勘公事刑曹
參軍一員兼管檢法議刑並差職官次令錄次判司舊
二員一員事簡共十四今置三員司錄參軍不置曹官
士曹參軍一員兼儀曹兼推勘公事戶曹參軍一員兼
兵曹刑曹參軍一員兼工曹兼管檢法議刑差判司見
旨又奏契勘左右選員多闕少學校教養以成其材既
命以官無闕除授天下事務比祖宗時過多而分職置
官尙仍祖宗之舊諸州官少乏治事之人吏部員冗無
試用之地蓋失措置久矣今除已添差縣丞等外以吏
部人數凡四萬三千有奇而吏部闕額一萬四千有奇
端閉六年然後得祿士大夫不至廉謹亦良以此今因
參定州縣曹掾量增員數五百餘處雖未足以稱事建

官亦以助吏員云云詔依新定官名自來年正月一日

奉行紀事本末卷百二十五原注蔡楠云政和間魯公

模置之美而已其後議者皆不以爲然復罷矣初尚書省

措置內六項云一兼事務近有司將諸司兼管勾官於不

許差出官內兼充一有相妨及司其餘舊來兼管及合委

管事務諸路州軍不一謂如軍資庫諸司管勾官架閣

庫理欠憑由磨勘司糧料院倉庫給納監庫務之類今

來並合依舊兼領如所兼事務與今定官屬合行那移

自相度所屬於合差出官內差或委施行一官於法合差

者相度所屬於合差出官內差或委施行一官於法合差

屬並先以事繁簡別無妨礙即差委施行一官於法合差

行謂如大藩曹官合差承辦除見以上任官差填外人不足且

以新定見任判司權充之類承辦除見以上任官差填外人不足且

有簽判及格目差除一今承辦除見以上任官差填外人不足且

曹官合差及錄參並承辦除見以上任官差填外人不足且

理滿替日替罷人處印權合見今錄參充近上曹官候通

簽判處其見任錄參係新法差注施行如願罷者聽候內無

錄參軍糾舉案清遲在六曹官以上者即就改充一司

即合通判糾舉案清遲在六曹官以上者即就改充一司

奏文通判糾舉案清遲在六曹官以上者即就改充一司

干別曹老郎同銜繫書謂如工曹文及諸通繫衙內事有

者

即兩曹通書行遣之類一應今來分曹建條條件與大
觀三年四月以前已降指揮合通行者並兼行內有相

妨者從今來指揮更不施行
月日已後指揮更不施行

十月案錢大昕四史朔閏考是月乙酉朔王寅太師楚國公蔡京左僕射

何執中知樞密院事吳居厚門下侍郎余深中書侍郎

劉正夫尚書左丞侯蒙尚書右丞鄧洵仁等議臣等伏

蒙宣示古元圭其制兩旁列十二山長一尺二寸上銳

下方上有雲雨文下無琢飾外黑內赤中有小好溫潤

光澤制作奇古大異常玉臣等按圭之制尚矣自舜軫

五瑞修五玉以班岳牧說者謂圭在焉無見于經唯禹

平水土告厥成功帝錫以元圭而圭之名于是始著玉

為純陽之精有充實之美土居中央運四時生百物故

古之聖人以玉為圭以重土為圭之文有國者所當御

蓋取諸地聖人統天地御陰陽妙萬物非特地道而已
天元而地黃天道致用于南藏用于北坎爲元天之正
色也圭之所以用元蓋取諸天又曰今圭銳上天也方
下地也上有雲行雨施之文天成也下靜而無所琢飾
地平也天地之道于是又備焉舜之所以歸堯粦見于
此矣堯舜無二道二典之文又備舜典之所載亦堯事
也堯肇十有二州封十有二山作十有二章而是圭有
十有二寸其兩旁亦如之其制其數悉同則爲禹圭明
矣又曰皇帝陛下續禹之緒行堯之道親親以仁而九
族敦敘任賢使能而百姓昭明以善養人而萬邦協和
惠養鰥寡而黎民於變聰明文思格于上下與天同功
天所復命授以至寶而臣等親堯舜獲考堯禹之制于

千古之下與萬邦黎獻舞手蹈足不勝大慶謹稽首再

拜上議以聞紀事本末卷百二十八系續宋編年通鑑

于民開似石非石似銅非銅長尺餘闊寸餘厚二三

色赤黑首末素質中有古篆籀文其上兩旁橫出兩尖

如雲氣之狀莫知何物也種歸以古物進蔡京見之謂

此爲元主即天錫禹者晉堯所都也編年備要令守臣

呂公雅奏陳公雅又尋得石文隱約四字曰天正堯端

于公雅奏陳公雅又尋得石文隱約四字曰天正堯端

元主惟時大寶內赤外黑上銳下方藏陰陽之全精體

乾坤之盛德溫潤而澤有雲行雨施之文追琢其章著

地乎天成之象或言此圭乃開德府通判王景文家

中所藏之舊物獻之于朝景文遂有增秩與郡之命

己酉太師蔡京等奏言元圭至寶歷世無傳道之將興

時若有待宜命攸司以時展采拂龜獨吉昭受大寶以

篤邦家之慶以慰神民之心詔不允自是三上表從之

詔以冬至日受元圭分命宰臣親王奏告天地宗廟吏

部尙書奏告社稷太師楚國公蔡京前期三日奏告昊

天上帝司空尙書左僕射何執中告皇地祇皇弟越王

偲告太廟皇兄豫章郡王孝參告別廟吏部尙書張克

公告太社太稷紀事本末卷二十八

甲申詔誠感殿長生大帝君神像可遷赴天章閣西位

鼎閣奉安紀事本末卷百二十七原注恐此時未有長

在丁酉皇帝乃悟本長生大帝君補宣和殿降聖記云歲

更須詳考之蔡條史補政和七年有林靈素出靈素溫

州人也少從浮屠學以無行為所在貶惡久之去為道

士左街道錄徐知常引之以附會諸閣始曰神霄玉清

王上帝之長子主南方號長生大帝君既下降于世乃

以其弟主東方青華帝君領大神霄之治天有九霄而神

霄為最高其治曰府故青華帝降佐帝亦曰判府天尊而靈

素乃其府仙卿曰褚慧亦下降佐帝亦曰判府天尊而靈

續資治通鑑長編合補

卷三十一

七

乃以其事歸之於上而曰己獨佐之每自號小吏佐治
故上其下莫有攻其非者然靈素實無術徒敢大言是時
上與道教將十年獨思未有一厭服羣

十一月案錢大昕四史朔王戊議禮局言謹按禮記食

三老五更於太學天子袒而割牲執醬而饋執爵而酌

冕而總干則古之人君所以憲德乞言以尊事黃耆者

可謂至矣然而親拜之文不見於經後漢明帝永平二

年以李躬爲三老桓榮爲五更始迎拜於門屏之間與

之交禮後魏孝文帝太和十六年以尉元爲三老游明

根爲五更而高祖親拜焉故唐開元禮本朝開寶通禮

皇帝養老於太學皆有交拜之儀蓋遵用後世故事也

今欲於儀注內刪去親拜之文以合經典又老者不以

筋力爲禮則三老進見欲特與免拜但今贊禮者引當

御坐前躬揖皇帝爲與其執醬執爵亦乞命近臣爲之庶不失禮意伏望睽自聖學批除指揮修立詔依擬定

修立紀事本末卷百三十三

丁丑御筆方田之法本以均稅有司奉行違戾貨賂公行豪右形勢之家類蠲賦役而移於下戶時困弊民力致使流徙常賦所入因此坐虧歲額至多殊失先帝厚民裕國之意已降指揮權罷方量自降指揮以前應有訴訟不均去處本縣賦役一切且依未方以前舊數因方量不均流移人戶仰守令多方措置招誘歸業見荒閒田土疾速依條召人請佃紀事本末卷百三十八

又蔡京進封魯國公何執中進少傅改太宰仍兼門下侍郎案十朝綱要繫於辛巳日

十二月案錢大昕四史朔閏考是月甲申朔癸丑始詔諸路給地牧馬又

詔諸路馬食儲積亦艱沿邊土曠乘春發生青草茂盛
應諸城寨若使軍分番出牧就野飽青晚持草歸以充
夜秣每名量支草價以省官募詔聞河東路見今施行
可令陝西諸路相度措置聞奏紀事本末卷百三十八
九朝編年備要初熙甯中嘗詔給地牧馬纔行於陝西
未幾而止是年詔復行之先是京東河北以舊牧地募
人養馬然後推之於諸路受田一頃仍蠲其稅令牧馬
一匹諸路至五年復給地牧馬法受田一頃仍蠲其稅
禁軍關馬五年復給地牧馬法受田一頃仍蠲其稅
二月行給地牧馬法受田一頃仍蠲其稅
九萬匹